





張說之文集卷第十九

碑銘

崔君神道碑

貞節君碣

平偃師碑尾

大通禪師碑

唐故瀛州河間丞崔君神道碑

蛟龍蟠乎沼無雲雨而不翔

君子志于道無運命而不彰

然則變化者是神靈之末富貴者非德行之本

守其素業其分不其至矣世有人焉若諱澹守其傳





陵安素來在唐為姜姓炎帝之孫也在周為姜氏齊  
侯之嬖也漢源長發洪河之水接于天原盛烈秀光  
行之山拒于海東觀所以美其文宗北州所以貴其  
清族魏冀州刺史簡公諱纂君之高祖也齊散騎  
侍諱缺君之祖也隋大理少卿諱世立君之大父也  
故祁陽公諱抗君之皇考也承百代之隆慶摠五德  
之清淳孝友忠肅宣慈恭儉好古博雅推隣幾亞聖盈  
而若虛漢而無象非夫人入周公之廟升孔子之堂  
憲章禮樂鮮得其門而覩矣弱冠以門胄入國學舉  
進士母弟汲亦以明經何年擢第大理卿張公文瓘

人倫之表也且君曰昔兩劉並舉以為騁二龍焉今  
兩崔齊飛可謂儀雙鳳矣縉紳景慕憧憧往來徙宅  
就居投刺成市若衆流之赴壑也及親而仕盤桓利  
貞解褐澤州晉城尉降為光州安樂尉授新州黃梅  
尉轉河門丞凡更三尉佐四邑體公綽之不欲爾伯  
夷之高操臨事御人以簡以寬雖為小政必有可觀  
故八使巡風再薦清白河上遺老江濱舊吏吟咏餘  
聲祖述前事入到于今稱之若夫碧樹煙鶻於江潭  
紅荷藻耀於澤畔寶貝烟光於空浦美玉明潤於新  
岸不為珍寶理章之節前殿後池之玩誠自得焉必



將有實心之所歎也况乎殿邦光國之寶  
之器道為帝王師言為天下利已而稅遠  
顧高木於下位亦無惜焉固將有知音之  
所歎也聖  
洪元年奉使上都遭疾終於時邑里之旅  
館享年六十有二夫人河東裴氏湖州治  
中懷儉之孫滁州司  
馬昉之女也稟訓華室作合高門嗣徽先  
姑克和婦  
婦德容之盛圖傳罕有喪親過毀葬華  
朝落儀鳳  
卒於鄭春秋二十有八長安三年春二月  
合葬於金  
谷鄉印山之陽禮也北據高岡連隴南  
面大道禁林  
上國遼洲川原指掌仙門率樹碑闕相望  
玄靈喜之

是宅嗣子曰用景龍中爵安平縣子職兵部侍郎夙  
遭閔凶不承誨誘慎終追遠克家用譽蒙聖主拔奇  
賞異絕等超倫三顧赤墀之下一舉青雲之上標  
所資古蠲致羨實尤人宥十世降祥之所及也永惟  
官不達者身不登乎明堂行不夸者名不書乎史冊  
則韜光隱德緒俾後代將何述焉夫銘景鍾稱茂伐  
彼大夫之事篆豐石揚令名此孝子之志辭曰

維嶽建國

厥生炎皇

維師尚父

諒彼武王

古人言曰

必齊之姜

齊之丁公

有崔者子

因邑命族

世濟其美

黃鵠倚歌

雕龍擅史



倬哉嗣武 含章挺生 以蒙養正 用晦而明  
混之不濁 人莫能名 學以崇道 文以慰志  
垂其雲翼 坦然卑位 祿逮吾親 榮非我仕  
皇皇上帝 建官惟賢 有人在下 胡寧捨旃  
孰云輔德 曾不永年 展矣邦媛 宜其家室  
友如樂諧 皎如月出 重壤既兆 終天偕畢  
北陵墳丘 松檟千秋 金碑石樓 祗令人愁  
東都城郭 通澗墮路 飛橋連閣 金管迭作  
人世之轉然兮 山川之宛然兮 德音之緬然兮  
故洛陽尉贈朝散大夫馬府君碑

君諱某字某扶風人也其先伯益贊禹中衍御殿在  
周曰羸在晉曰趙上卿以人歸政將軍以馬服為姓  
緝熙熙乎平通重合焜燿乎伏波中水我高祖汾州  
刺史諱歸歡我大父膺揚即將諱士幹嚴考獲嘉令  
諱果濟美惟舊真德于君君幼而懷竒長有規操樂  
道稽古昇堂觀與伯父匡武撫之曰亢宗保家吾有  
望爾悉以先人家謀圖傳付之入太學舉明經補巴  
西尉內憂去職君四歲而孤重集于蓼因心孺慕名  
教同傷涕次設萌江溢毀道攀轡號慟濤為之却蜚  
人哀之葦棧而濟釋服調襄陽尉主進魚家絕鱸食



州將魯王伴盤二百魚時其亡也遺之夫人以辭君  
還拜受使復王曰非唯是夫又亦賢婦吾嘗其一得  
其二焉長史孫悅是獎也舉君清幹有聞授  
清城尉未往且有後命為河西營田判官物土穡人  
藁穀洋羨皇揆其懋考績登為程務挺之軍靈夏也  
咨君運籌乘遞入幕獲虜數百欲剽罄之君諫曰王  
者之師將德是以討叛惟武隽遠在寬搏牛之畜不  
可破虱未擒伏念何遲累囚乃止師歸策勲上柱國  
改溫縣尉永淳阻飢廣提中外絕甘分少約已周人  
既喪好遠室無嬖御夫人張氏詹事丞師寂之女也

敬事皇姑能佐君子娠有胎教宗如樂譜前誌之美  
多所闕載絳郡夫人王氏則天聖后姑之女子而夫  
人之母也嘗曰婦則女訓吾女有焉享年不永玄髮  
徂落時君之伯姊歸宗夫人推居辭寢事之而躬處  
下室及亡設几筵於正寢惟明靈以女公之故憑巫  
通夢屢寢為辭舉家懇啓久而後定嗔注則盡禮死  
而知讓殆其神不昧溫秩滿轉洛陽尉當周之興也  
故都社澤郊廟粹紛嶽撰明堂京轂回回日不暇給  
又勃君專總統匠凡三百有餘旬蘊芳成疾腠憂損  
壽永昌元年孟夏辛卯卒官春秋五十有七帝用悼



之贈朝散大夫旌淑紀庸禮焉龜玉在山泉為國寶  
以其靈與瑞君子居下位而上達以其名與義夫是  
之寵有由也哉葭蒨之戚昭其孝也揚侯息浪異類  
胥感襄陽之饋賦其潔也德形於家聲聞于外塞垣  
之謹植其仁也衆得賴全將不為暴重屋之役底其  
勤也沒而益榮朝不棄力有一於此猶為令德况備  
舉乎豈其身將施其後厥子構據擇皆國之恨也為  
有後之其在是乎徵構職太子僕景龍初宰長安永  
惟考襲朱芾已佩慈珩母氏早逝而榮不及讓仍想  
階乞封先妣天子憐之制贈夫人清河縣大君大君

長安能報恩矣詩云欲報之德昊天罔極報恩之謂  
也馬氏之墓世在扶風清河之喪也卜宅於洛陽中  
山麓後君捐館因窆其所夫人瓦於兆之用大夫龜  
於域之庚今龍集戊申將返葬故國君執友禮部侍  
郎嚴善思諗之曰夫子之逝一終八辰精氣其存親  
壤石矣吾嘗相三工從新其愈亦且不戀本達不合  
壑古神尚休無或變有夢先君者與其言叶於是祇  
率嘉話即安成規埋雙墳溝四壑傍建祠宇前勸豐  
碑茫茫天地永懷長畢誰居後之人匪唯是四時蒸  
薦之事所以觀百代祖宗之烈其詞曰



昂昂大夫賈有邈其致之洽聞庸敏 賈窮錫類  
孝實迴川水清能攸位 佐邑推五 安人則四  
多稼穡邊 亦昌言 處帥 此義 於 稷 勤 官 後 地  
聖 獻 歎 天 朝 無 纓 衣 以 遂 我 有 合 德 言 追 悠 清 河  
宜 家 族 揉 主 祭 神 和 親 戚 光 貴 榮 劍 蓋 金 歌  
相 從 先 後 樂 此 山 河 一 然 公 亦 辭 康 樂 詩 歸  
神 功 元 年 十 月 乙 丑 陽 鳴 卒 於 雲 節 縣 友 不 沛 國 朱  
敬 則 清 河 孟 乾 祚 苑 陽 盧 禹 等 哀 鳴 抱 德 凌 地 繼 體  
未 識 考 行 定 謚 蓋 於 舊 城 鳴 字 季 翔 平 恩 人 也 其 先

著族右北平郡大父真陽宰適茲樂土爰定我居維  
桑與梓既重世矣鳴個儻奇傑瓌瑋博達貫涉六籍  
百家之書其要在霸王大畧奇正大旨君親大義忠  
孝大節而已章句之徒下之視也嘗陋漢史地理志  
周禮職方志時異虛記心不厭焉乃攀恒岱浮洞庭  
窺河源踐岷衡稽四海之風俗筭九州之儉易與趙  
國貫高圖獻其議遇火焚盪天下壯其志而痛其事  
養徒閭里不應賓辟儀鳳中河北大使薛公舉鳴行  
厲貪鄙天子嘉之用真于吏乃尉汲曲阿主簿龍門  
雩都夫其屏居十年一方化德歷佐四邑諸侯觀政



惜乎有大才無貴仕命也初鴻遊太學有書生山東  
李思言物故南館鴻傷其終遠家屬有喪無主乃躬  
駕柩車送歸東土及在曲阿敬業作難潤州籍鴻得  
入歷旬堅守城既陷而猶鬪力雖屈而蹈節寇義而  
脫之因偽加朝散大夫即署曲阿令鴻貞而不諛詭  
應求伸既入邑則焚服闋門而設拒矣故得殿邦奮  
旅一境賴存淮海底績勲荅効功卒不言賞二亦不  
及君子以為急友成哀高義也臨危抗節秉禮也矯  
寇違禍明智也保邑匿勲近仁也義以利物智以周  
身禮以和衆仁以安人道有五常鴻擅其四武有七

德鴻秉其二大慮克就之謂貞好廉自克之謂節粵  
君夫子可謚為貞節也已於是紀名垂迹表墓勒石  
其詞曰

倬良士縱自天辨方物覈山川厥志六哉峻剛節  
殷義聲返旅觀晏窮城厥德邁哉哀斯人命莫贖  
德不朽溫如玉軌來世哉

唐故處士河南元公碣銘

其字子冲撰

嗟我處士煥炳其文精微天象與道為隣頽乎萬化  
子三十春在昔薄塋時服幅巾厥孤克孝永懷遷神  
君其心之無違返真表建豐碣追揚茂塵王門公路



豈微朱輪天才海學于何靈貧心焉有主孰知我艱  
烈烈皇考求仁得仁哀哀王母期恩斯勤李虔報養  
主褒感親退居更命喪禮終身忠為令德孝實至純  
一門二善千載不泯

平偃師碑尾

粵以長壽二年十月十七日改寔於衛縣苑樓之西  
北原夫令德所庥餘慶未也神龍紀曆皇運中興天  
子嚴祀清廟緬懷前哲乃下制曰朝議大夫守衛王  
府司馬上柱國元春父故偃師令某公門襲慶士林  
成則名教羽儀道德泉藪輔仁宜昧早謝昌辰禎善

洋溢垂休茂胤時光祀夏慶屬配天錫類之恩俾覃  
於卿士哀榮之典宜旌於泉路可贈蒲州長史君子  
謂成其子而植乎身義方也愛其臣而及其祖孝理  
也孝以行惠惠以察忠義以立慈慈以昭順君臣父  
子於是形焉

唐陳州龍興寺碑

觀夫廣大無相者虛空也四輪倚之而住精微無跡  
者佛性也萬法因之以生聖人有以見三界成壞皆  
有為殼故剖之以戒甯聖人有以見六趣輪迴是無  
明網故決之以定力爍寶光之慧炬而沛善利之慈



舟返迷路率於中道猗橫流登於彼岸以言乎真實  
之要總攝一乘以言乎天地之間曲成萬物大矣哉  
道心包舉等大虛而無際法教流通彌曠劫而常在  
則有乘如來方便出應化門用大士因緣處帝王位  
俾庶類咸若謂之光宅天下令衆生修善名為莊嚴  
佛■龍興寺者皇帝即位之歲溥天之所置也唐祚  
中微周德更盛歷載十六姦臣擅命伯明氏有盜國  
之心一闡提有害聖之迹皇上操北斗起東朝排闥  
闔運扶搖張目而叱之殷乎若震雷發地歛魍魎響  
以克彼二凶赫然若太陽昇天晞熙仰象以復我萬

邦返元后傳國之璽受光武登壇之玉尊祖繼宗郊  
天祀地之禮旣洎脩舊布新改物班瑞之典又備乃  
考出世之法鼓大雄之事入無功用之品住不思議  
之力一光所燭庶兆為之清涼一音所宣大千為之  
振動雲蒸風靡不崇朝而壞衣涌塔徧天下矣陳州  
者上古太皞之墟近代淮陽之地置守則列為郡封  
王則建為國本其風俗豪侈靡嚴舊矣翻東門之下  
按袂成惟觴苑丘之上炫服成市信豫章之郊一都  
會也刺史南陽韓府君名琦其為邦勝殘去殺聖主  
之得賢臣別駕彭城郡王名隆業其從政也能書而



恭高陽之有才子長史南陽張齊賢儒極之選司馬  
河南雲盈公族之良也士曹從事人人錄事參軍于  
璆為稱首六屬官人二十五人苑丘縣令崔脩已為  
稱首或以藝榮或以門進高車一轍美利同人禮舉  
形清於是乎在因邦甸積稔之蓄偶日月再旦之初  
欽若王言建靈寺上略其趾下務其終百工不勸而  
亟度後不愆而會經始如雲成之不日夫其帶四郭  
五衢之陌踞重墉闐闐之端福地砥平長垣雲矗高  
門有閣大廈斯飛連廊曲閣交軒對雷木磨而不雕  
上塗而不飾壯無僭侈以約費為功儉無偏陋以靜

居為寶法王宮殿近寶花之城菩薩伽藍住金燈之  
地亦猶是也上座處玄寺主真度維那守慎等戒珠  
如月獨潔麒麟之行法寶如山普聞獅子之吼克諧  
善衆底定神居甘露飽而盈滿天香醉而圍繞于時  
陳項之老褒衣而博帶皤皤然相造而誣曰久矣吾  
黨之惑也倥侗顛蒙情嗜橫放恚愛我僕聰明不開  
日有忘其生生月無覺其滅滅一息之漏可勝言哉  
而今舉足至芋道場申臂及于淨土晝則目禪誦之  
事夜則耳鍾梵之音何畏是生晚臻斯樂豈不思天  
子至仁乎側下人之昏墊適上聖之昭軌假有相之



途詣無生之理灑冥澤於已滅蒂玄根於未始百靈之所歸依萬宇之所欣喜非獨陳而已矣蓋神闢天聖開地世之祖也纂帝寶基皇統孝之主也珍儁狂破魔孽威無外也廣正典紹度門德無大也通幽洞明兼鹿該精滂洋而行混濩厥成一收功而四善舉一推心而群顛立咨如是則龍興之化曷有量矣夫業可大而無焉不貽於後事可尊而蘊焉不述於世臣子之罪也敢請圖之然言語之不到者心識心識之不到者真如二乘聞之而不見十地見之而未了而我云何能說竊比六時之鳥七寶之樹是出乎和

雅音聲是讚乎微妙功德記其在處長者聖王在上於昭于天唐雖舊邦其命維新龍興返政滅二暴臣少康非擬於舜為隣皇王蒸哉

其一

於廓玄教生人戶牖神化洒心小大稽首掌擎萬域潛移仁壽三代之前蓋未曾有最上乘哉

其二

泱泱陳服韓侯道之奕奕寶坊邦人造之天龍護持賢聖熙熙受福維祺帝心則怡至理興哉

其三



唐王泉寺大通禪師碑

譏夫總四大者成乎身矣立萬始者主乎心矣身是  
虛哉即身見空始同妙用心非實地觀心若幻乃等  
真如名教入焉妙本垂言說出焉真宗隱故如來  
有意傳要道力持至德萬劫而遣付法印一念而頓  
受佛身誰其弘之實大通禪師其人也禪師尊稱大  
通諱神秀本姓李陳留尉氏人也心洞九淵懸解先  
覺身長八尺秀眉大耳應王伯之象合聖賢之度少  
為諸生遊問江表老莊玄旨書易大義三乘經論四  
分律儀說通訓詁音叅吳晉爛乎如襲孔翠珍然如

振金玉既而獨鑒潛發多聞旁施逮知天命之年自  
拔人間之世企聞蘄州有忍禪師禪門之法亂也自  
菩提達磨天竺東來以法傳惠可惠可傳僧璨僧璨  
傳道信道信傳弘忍繼明重跡相承五光乃不遠遐  
阻翻飛謁詣虛受與沃心懸會高悟與真同徹縑指  
忘識湛見本心住寂滅境行無是處有師而成即燃  
燈佛所無依而說是空王法門服勤六年不捨晝夜  
大師歎曰東山之法盡在秀矣命之洗足引之並坐  
於是滌辭而去退藏於密儀鳳中始隸玉泉名在僧  
錄寺東七里地坦山雄目之曰此正楞伽孤峯度門



蘭若蔭松藉草吾將老烏雲從龍風從虎大道出賢  
人觀岐陽之地就去成都華陰之山學來如市未去  
多也後進得以拂三有超四禪昇堂七十味道三千  
不是過也爾其開法大略則惠念以息想極力以攝  
心其入也品均凡聖其到也行無前後趣定之前萬  
緣盡閉發慧之後一切皆如特奉禳伽遞為心要過  
此以往未之或知久視年禪師春高矣詔請而來跌  
坐觀君肩輿上殿屈萬乘而稽首洒九重而宴居傳  
聖道者不比面有盛德者無臣禮遂推為兩京法主  
三帝國師仰佛日之再中慶優曇之一現然處都邑

婉其秘旨每帝王分座后妃臨席鷓鷯四匝龍象三  
繞時熾炭待礦故對默而心降時詠飢投味故告約  
而義領一雨溥霑於衆緣萬籍各吹於本分非夫安  
住無畏應變無方者孰能為爾乎聖敬日崇朝思代  
積當思軼問名鄉表德非擬一局厭誼輦長懷虛壑  
累乞還山既聽中駐久矣衰憊無他患苦報魄散神  
全形遺力謝神龍二年二月二十八日夜中顧命扶  
坐泊如化滅禪師武德八年乙酉受具於天宮至是  
年丙午復終於此寺蓋僧臘八十矣生於隋末百有  
餘歲未嘗自言故人莫審其數也三界火心四部水



背穰崩梁壞雷動雨泣凡諸寶身生是金口故其喪也如執親焉詔使弔哀侯王歸賄三月二日冊謚大通展節終之義禮也時厭五日假安闕塞綏及塋之期懷也哀駕臨決至午橋王公悲送至伊水羽儀陳設至山龕仲秋既望還詔乃下帝諾先許其遂宿心太常卿鼓吹導引城門即護監喪葬是日天子出龍門泣金觀登高停蹕目盡迴輿自伊及江扶道哀候幡花百輦香雲千里維十月哉生魄明即舊居後岡安神起塔國錢嚴飾賜逾百萬巨鍾是先帝所鑄群經是後皇所錫金榜御題華幡內造塔寺尊重遠稱

標絕初禪師形解東洛相見南荆白霧積晦於禪山素蓮寄生於坐樹則雙林變色泗水逆流至人遠代同符異感百日卒哭也在龍花寺設大會八千人度二七人二祥練縞也成就西明道場如前會萬迴菩薩乞於後宮寶衣盈箱珍價敵國親舉寵費侑供巡香其廣福博因存沒如此日月逾邁榮落相推於戲法子亦戀宗極痛慈舟之遽夫恨涌塔之遲開石城之歎也不孤廬山之碑焉可祚竊比子貢之論夫子也生於天地不知天地之高厚飲於江海不知江海之廣深強名迹以慰其心銘曰



頽珠內隱 匪指莫效 心鏡外塵 匪磨莫照  
海藏安靜 風識牽染 不入度門 孰探玄要  
倬哉禪伯 獨立天下 功收密詣 解却名假  
誦無所得 解亦都捨 月影空如 現於悟者  
無量善衆 為父為師 露清熱惱 光射昏疑  
莫將任世 萬壽無期 柰何過隙 一朝去之  
嗟我門人 憂心斷續 進憶瞻仰 退思付囑  
盡不離定 空非滅覺 念茲在茲 敢告無學

玄識闍黎廬墓碑

夫孝者法象乎天地感通乎鬼神故愛敬之中又有

真報哀戚之外更追冥福玄識禪師其人也厥姓桑  
氏其先長樂人漢尚書洪之後曾祖梁州刺史諱千  
秋祖貴鄉令諱信考文林即名爽自前代無違德基  
於累仁是生達者禪師智周萬物而理證本無頽慶  
四生而見滅諸有以為空不離色體念予之慈業不  
士緣起思親之孝乃於萬山北陌滎陽東原塋先考  
文林府君先妣王氏負土成墳結廬其域置義井取  
施無求報鑄洪鍾取聞而悟道脩古寺造尊容取觀  
相生信若夫信生攝攝生靜靜生定定生慧於生滅  
處得常住心於虛空中立一切法其定慧之門乎禪



師昔宴坐介山群虎自擾今經行罕樹四衆依德至  
人寄疑寂雖罕見全象識者餘論亦時存一隅篆羨  
豐石寄詞偈云爾

邈矣上德行密道高哀哀父母生我幼方禪心護念  
神足遊遨苦河雖廣曾不容舳甘井既深利物無竭  
不增不減不流不滯仁靜而鑒智動而悅華鐘既鏗  
雄雄法聲如來如去如滅如生不有奚得不為胡成  
寶地嚴飾金山晃耀善惡無門惟人所召境因心起  
理憑思照懿哉一心混成衆妙

張說之文集卷第十九

張說之文集卷第二十一

夫碑銘樂籍夫張府君墓誌銘

刺史先府君碑

元君石柱銘

張府君墓誌

唐贈州刺史先府君碑

府君諱隲字成隲范陽方城人也張祖曰釋帝軒之

胤肇勳茲木錫姓土矣詩有卿士孝友史有留侯世

家八葉至東漢司空皓公字平太守始居范陽

四葉至西晉司空華公牙建散騎常侍乃僑江左昆



孫太常復歸河洛故河東有司空若洛陽有散騎里  
後司空至府君十二代不失仁義矣王父諱戈周通  
道筆學士考諱恪無祿是世府君執生遺育四秋單  
緒家世尚儒不及伯魚之訓外祖為理遂讀臯陶之  
書以明法齋饒陽長子二尉介休主簿洪洞丞以所  
願乎亦事乎主以所願乎上交乎亦交身與人何往  
不順臺選真白覆囚山南人謂是行有典刑矣昊天  
不弔年五十年調露元年十二月乙卯捐背於縣解  
夫入長樂縣太君馮氏父威藍田丞敬脩法度踐涉  
圖史願獲秀孤將就成立家道不殞夫人是賴享年

七十二傾背於東都康俗第光珪說不天夙遭閔凶  
又集荼蓼先生制禮不敢從滅以景龍二年七月已  
酉安厝於萬安上陽附從周制也先君不祿俸不奉  
親不機杼不資身僚舊無鷄黍之接况其非類乎族  
姻無魚菽之受况其人吏乎是全其高而善其獨也  
過四十始閱六籍觀詩得之厚觀書得之恒觀樂得  
之和觀禮得之別觀春秋得之正觀易得之元曰君  
子多乎哉事斯一言而已矣每誦道記三復三寶曰  
至人之心有以垂世又聞之太夫人云吾有子五十  
載非其疾無一人之憂太夫人亦云吾事夫子三十



年耳無忤聲目無暴色先君之遠世也其憂戀者尊  
門在殫欣聖善在堂歎我諸孤無日敢忘及王母終  
養二祖封崇亦尚克家成遺訓矣若夫安親孝也宜  
家義也翼子慈也軌迹隱乎含光故當代罕耀馨香  
發乎潛德故明神終勞先大夫久而益榮沒而不朽  
蓋此景雲二年天子嘉侍臣之匪躬念前人之蘊德  
二月乙巳詔曰故官某毓德高邁藏器下僚代載儒  
雅家傳清白河東佐邑長不欺之風山南覆囚溢無  
究之聽徂謝永久丘墳不飾啓茲令胤貞事先朝宜  
崇追遠之恩以表揚名之志可贈使持節丹州刺史

王父大理丞某重世爲士君傳其憲章博施精理年  
十九明法擢第解褐饒陽尉丁王母憂去職夫人必  
而守義老而無子因心創巨事不忍言喪紀之數加  
人一等服常調長子尉換介休主簿洪洞丞太夫人  
在堂官求便近故累徙而不進也內清淨以化人外  
平反以悅親不樂歸美而善隱德故下車無赫赫之  
聲所去有遺愛之戀有命羗覆囚山南輜軒所歷全  
濟甚衆君以律有遠經背禮著妨難十九篇書奏帝  
下有司而刪定之官黨同妬異竟寢其議道之將廢  
也歟命也滅倉其如命何調露元年秋奉使晉陽遇



疾輦歸藥禱無降冬十二月大漸九日乙卯棄背於  
縣廨春秋五十有二光珪說不天摠角在夜明年春  
奉輅藁歿於河東賴夫人撫養孤藐躬如訓授男集  
文雅女工組繡姻不失親官復其舊景龍元年秋封  
長樂縣太君夫人故藍田丞威之女也享年七十有  
二是歲十一月戊申領背於東都倍里第於戲哀哉  
靡瞻靡依何怙何恃二年七月己酉克塋我先公夫  
人合祔焉從周制也初議塋小子慶慶景於萬安山  
南孤推東峯之下時淮南弘公相地曰是山爲華蓋  
崗爲蟠龍龍者大人之德孤者王侯之稱卜塋協兆

王澤漏乎泉壤國禮崇乎宗廟漢帝論士恨不見李  
牧之爲人曾子思親泣無逮楚王之厚祿道存運往  
痛矣餘悲緬尋前哲之所以聞無聲於四海視不見  
於百代者匪頌歎桓麟蔡邕其則不遠嗚呼霜露交  
積松楸滋深兄弟永懷相顧將老胡伯虎豈敢掩大  
人之清陳季方何足知家君之德小子銜恤非曰能  
文莫假辭於他者務傳信我也銘曰

猗嚴兮用玄妙體太和碣高志貞夫一戒其多孝于  
親正于家刑于訓清厥心晦厥迹畏厥寶如其何謙  
儉慈皇哉褒德永世有詞



府君墓誌

府君諱隲字成隲姓張氏其先晉人也晉分家世相  
韓韓滅留侯爲漢謀主至宇爲范陽太守因居其郡  
及華博物亞聖爲晉司空君司空十二代孫也曾祖  
諱俊河東從事大父諱弋字嵩之通道館學士考諱  
恪未仕即世先君四代早孤單門築立宗祀之不絕  
如綫府君襁褓衰麻鞠育舅氏而炳太和之純休抱  
遠慶之洪徹庇身禮樂發言忠信內無不誠大無不  
包終日乾乾遠于悔悵靈根顛而還植祖德墜而復  
振加以好學不倦聞一及三道機玄鍵罔不幽探外

何善如之乃定墳塋初宅茲所小子銜恤誌之幽誌係曰  
欽若古訓時惟皇考翕和三光希聖二老清有世業  
儉爲身寶繡綸典憲思緝玉道佐彼四邑人用不擾  
生我曷後棄我曷早閔余髻髮遭家不造鳴鳩在桑  
其子在棘母氏聖善示我顯命服天朝封邑舊國榮  
未卒歲哀喪已匝域泣血思親昊天罔極孤之華蓋  
土龍蟠連崗四繞帶林巒朝日吐耀遠峯攢微風夕  
發過蕙蘭石室固護泉火寒衆靈幽謁奉神歡壽官  
深靜永閑安

唐故涼州長史元君石柱銘

并序



公諱仁惠字某河南洛陽人也昔帝軒命子爰宅幽  
都天神降祚遂荒北嶽其後日月運行雲雷經始壇  
塲鄴洛據天地之圖帶礪山河建王侯之國公魏昭  
皇帝之十世孫中書令濮陽王順之曾孫也大父雄  
魏濮陽王改封武陵之郡宇文朝降為王昆吾伯嗣  
越在濮陽之墟瑯琊王子別封武陵之郡宇文朝降  
為武陵公太府卿秦州總管徵子去國不替舊章薛  
侯來朝於焉降等父曾隋濠豫二州刺史右衛大軍  
襲封武陵公翼亮隋室弘濟王基有佐命之元勳承  
異朝之世祿文武藉甚貽晏深長公受金行之正性

承冠世之隆烈幼見岐嶷夙聞聲器靈臺雲秀繩墨  
之宰無施雅韻天成金石之師何力屬隋綱始素神  
棄不歆鄉族衣冠日失其序獨寤寐宿求懷盤澗之  
人藏器待時未射高墉之隼唐高祖龍飛天宇鶴  
巖林授公右千牛錄饗閑之恩舊也高皇邑子既與  
盧縮同衣世祖學徒則有嚴陵共宿久之以公事免  
為雋州法曹又歷循州河源滑州靈昌二縣令克已  
為政蠶貊化忠信之言直言與人仕已無喜愠之色  
永徽在曆石真構難群兇既翦江界蕭條帝念疲毗  
疇茲俾乂乃授睦州雉山縣令乘駟而往下車作期



江通海盜革面來威然後間網鳩人峻策羈吏閑田  
盡闢鯨寡委天疑之餘絕澗無遊豪猾屏蚕漁之氣  
我有禮樂達於山川鬼神物應休貞孚於鳥獸草木  
朝廷異之拜朝散大夫行隆州閬中令至改授雍州  
渭南令觀人設教異邑同風遷隆州司馬尋加朝散  
大夫守涼州都督府長史分乘兩人康頌作化澄巴  
濮無侵橘柚之園教溢河湟不飲蒲萄之酒離歌就  
是為夢臨辰命躋修途榮軼厚德總章二年終於官  
舍春秋七十有三夫人安定梁氏文伯之妻君子以  
為知禮孟軻之母良史稱其能賢齊德茂於昭塗合

衲其於幽遂有子懷貞斧藻評禮佩踐義方承家有  
馥芝蘭如也歷官右司員外郎太子舍人而罹事徙  
居復歸舊土履霜露於三紀無改素冠之行遠桑梓  
於十載還守青門之田勤孝在乎追遠豐感思乎備  
物武陵公之塋域今順陵栢城之內也山園有禁奉  
瞻靡及粵以聖曆二年歲次月朔別卜宅於咸陽縣  
肺浮原合塋焉公孝友純深夙標峻起門無離客家  
有嚴君而佐郡為邦弘風邁德執法不撓去邪勿疑  
仲由之政事叔向之遺直豈稱論之典有闕軌期之  
容將墜仰惟代姻恭承哀記郭有道之故事無媿蔡



邕趙文子之將遊永懷隋會寓詞楹石式題賢龔其  
銘曰

大哉乾元	我族資始	有國伊魏	曰天之子
皇義姓胤	帝姬氏水	初業垂統	鬱乎舊史
崇德象賢	允也重軌	身涵玉性	潤結璣源
武公之子	平王之孫	川流長直	光氣能渾
孝栢深顙	義重荆藩	白珪比節	黃金敵言
行實剛簡	遊無諂顛	學妙神教	書能鬼笑
避彼屯運	盤桓空谷	四海有主	一旦明目
佩此芳草	遷于喬木	亦既從政	淑問克宣

秉心如水	臨事如弦	歷宰四邑	高芬屬天
元僚兩郡	汪化流泉	江河秦蜀	嘉聲在焉
三光西沒	百川東度	天道運迴	人隨代故
倏忽三紀	悲元千露	帝塋橋山	傍壻祖墓
瓦斷舊域	地開新路	路即咸陽	吁惟京北
坤氣雲蟲	長崗龍抱	竈拊銅人	瑩留石鳥
塵歇徑滅	山飛海少	篆刻揚石	亭亭華表

唐故左庶子贈幽州都督元府君墓誌銘

維開元十年正月己未庶子武陵公河南元公薨於  
東京留守之內館公諱景懷字其魏武陵王雄之曾



孫右衛大將軍胄之孫贈鄜麟州刺史仁惠之季子  
昔天啓水行君臨寰海雄圖長發本枝碩茂濟美象  
賢餘慶不隕公受茲介祉誕膺淑露幼有純至之節  
長立公直之操學綜群藝詞壇精微夫其結言以信  
導物以德清儉足以軌俗真厲足以矯邪故美暢於  
中名揚於外弱冠以國子進士高第補相府典籤藩  
邸擇賢妙盡時選尋以內夏去識重補相府叅軍及  
明兩昇儲作貞萬國以宮臣除太子通事舍人天授  
中以親累除名向逾一紀後除直羅溫縣二令雖大  
位未享通材必久初自太府主簿累入副卿河南掾

曹克昇亞尹握蘭右轄綱紀南宮秉茲憲簡肅彼專  
席再賤儲華卒踐宮相執心好直履法斷恩觸雷霆  
而除惡不避也枉終髮而干譽不為也升降兩宮出  
入三代克慎其始終厥有成君子以為難允哉其難  
矣及啓手歸全遺言薄葬家無長物士伏其清年過  
懸輿人傷其天嗚呼哀哉贈都督幽州諸軍事幽州  
刺史賻悼之節優於恒數明年二月歸葬於咸陽之  
舊塋夫人常氏祔焉禮也夫人即逍遙公敬遠之玄  
孫左常侍希仲之叔姊淑行無徵華年早世其孤彥  
仲等克遵遺訓靡所寘哀說情睦外姻懷深國士既



闕西階之莫遠投東武之詞銘曰

卓彼英運 慶靈既長 貽訓夫子 體微知章

在藝斯博 於欲則少 徒文其中 莫飭其表

惟靜惟默 不激不矯 時經三代 官成兩宮

化若風偃 德如澤融 邦稱其直 朝哀其忠

禮祔周兆 墳瞻漢宮 哀哀純孝 長訴旻穹

周故通道館學士張府君墓誌

君諱戈字嵩之范陽方城人也其先張仲以孝友佐  
周子孫醜周仕晉相韓至留韓侯報韓雝秦與劉滅  
項為漢世家九代及于漢亂居燕四葉為晉司空混

天下司空生禱避胡過江六世至太常而復寓于  
河東之族人君即太常卿隆之曾孫徵君子犯之孫  
河東從事俊之子性倜儻尚氣節能引弓六鈞命中  
百步車服出入擬於封君州里頗患之君廼勵操強  
學不出門者十餘年探道覩奧鬱為淵藪周武帝聞  
之徵為通道館學士既入隋而向其國高尚厥志終  
於山廬嘗言夷齊清者非達伯鸞曠者非中優哉游  
哉吾不與也夫人某氏少而嫠居長而喪子流離世  
故窮盡艱危提攜女姓託身禪宇實有高行之烈隱  
居之風未遑歸葬有志不就遺恨終天降及曾孫追



申情禮景龍三年歲次己酉十月十六日克葬曾王父曾王母於河東之普救原成先志也銘曰

皇矣烈祖 才雄氣武 不值漢高 空思萬戶

一旦折節 十年學古 高步華光 飛纓書府

昔有周處 聃蛟契虎 易暴以儒 異代同矩

周命既沒 百代于隋 任於二姓 君子不為

昭昭盛德 百代之規

唐處士張府君墓誌

府君諱恪其先晉人晉有張老韓有開地漢有留侯八代孫皓為司空司空子宇為北平太守遭漢亂難

家于范陽至玄孫華復為晉司空遇難子孫南渡其處者或寓於蒲坂周齊間有歸者因從焉君晉司空十一代孫也曾祖徵君諱子犯祖河東郡從事諱俊父通道館學士諱弋德音遺範詳諸家謀君孤紹單門傍無兄弟苗而不秀未仕而卒道未融於邦國位未揚於王庭故老之口浸遠好事之書又闕是後生不得預聞焉哀嗣子洪洞丞隲襁褓衰麻育於舅氏夫人隴西董氏常州長史雄之女也早年守義唯鞠一子嚴而有儉勤而善訓成先人之平烈貽後嗣之積善徵太夫人德則張氏幾將墜焉開耀元年十二



月二十七日終於鄜城縣世婦之別業春秋七十有二先君之遠世也太夫人在堂大門在殯日月逾邁有志未從是諸孫疾焉若履淵谷以景龍三年歲次己酉冬十月二十六日克葬王父王母於蒲坂東司空之村成先志也銘曰

綿綿王父 續我靈基 幼而殞德 人莫知之  
烈烈王母 克明克類 教成鬻子 光我族嗣  
中條之北 大河之東 丘陵桑梓 鬱鬱崇崇  
千年啓室 百歲來同 永惟先志 欽成厥終

張說之文集卷第二十

張說之文集卷第二十一

碑

和麗妃神道碑

鄭公主神道碑

薛氏神道碑

鄭夫人神道碑

穎川夫人碑

昭容上官氏碑銘

和麗妃神道碑銘

奉敕撰

舊史云軒轅帝宮次星具黃龍之體郊媒神妃次妃成玄鳥之命非聖也莫能法天非天也莫能感聖則有相乎坤而母乎震齊乎古而合乎天跡雖秘絕猶可則而言焉麗妃趙氏天水人也麗者以華美為貴



妃者以配合為尊易云日月麗天傳稱星辰合度麗  
加妃號自我為初原夫八駿勒周肇有封姓三軍霸  
晉乃蕃鄉族設寶符而開國曳珠履而承家果驗成  
宣之後不乏文忠之慶堯門昭殿何代無人暨乎紫  
氣上通瑤臺獨立楚宮選美納良袂於神明漢掖求  
才進團扇於明月故坐而論教則位比三司動而具  
瞻則儀刑六列者矣將軍以恩澤授職太夫人以有  
禮封鄭流車羅馬豈無甲觀之親湫宅開門不有椒  
房之勢探風揆化憂國如家故聖人有以尚其德也  
躬親繭館義形熊檻退席以愛禮膠木以廣恩望古

艱臻之地必為常踐之域故聖人有以嘉其志也懸  
象告診經時履族在家被之辰谷還輦之間生可捐  
於浮假心獨係於玄貞神往清願承恩而入道形  
歸下土期去禮而薄葬慈顏同氣奚敢為言皇止闕  
而許之咨嗟不已開元十四年春秋三十有四七月  
十四日薨於春華殿殯於龍興觀之精屋示以世家  
從道例也命河南尹監護河南令副焉喪葬務約成  
遺語也二十六日定於故都之後印山之陽孺慕承  
華棲涼薄室列殯露於東路迴容衝於北山壽堂一  
闕兮凡聖等人代同悲兮脩短問月帔雲衣襟以神



仙之服上房陶籛旋於造化之初此皆聖主之曲成  
賢妃之本志何必雲陽山下別赴通靈之臺未央宮  
中虛立致神之帳若夫易名興考行是存帝 曰和  
禮之貴也氣之和者天地生萬物聲之和者上下無  
怨魂知後命感聖恩乎有詔史臣恭銘內職事出彤  
管辭無華飭寫樂池之永傷寄瑤山之罔極銘曰  
帝妃佐后實掌陰教八月選才千金聘貌禮獻絲爾  
詩脩幹濯婦政可尊嬪夙須效皎皎漢女為皇降靈  
娥娥邦媛順道之經結以印綬華光後庭帶之弓鞬  
明潤前星迷迷潛運夙承嘉獎謙苦中京崎嶇上黨

金鏡間目明珠耀掌心方樂於時泰魂徃悲於化徃  
紫雲衣兮霓裳送美人兮北邙曰壞宮兮青松苑去  
君恩兮日遠秋風急兮霜天草木黃兮野田滅香容  
於空擲留畫像於甘泉春秋以麗和之二字獨褒美  
於千年

鄭國長公主神道碑

臣聞堯有娥英致九族之敦序舜有膏燭動百里之  
光耀大聖之後天必縱之積善之家神所慶矣豈惟  
上帝之女雲漢為靈平王之孫肅雍其德連華前志  
世有其人皇唐鄭國長公主者睿宗之第七女也母



曰崔母妃構累聖而成門合濟美而為室蘊乾坤之  
純粹演日月之清明神媛誕靈常言所絕免懷之歲  
天奪聖善不食三日哀比成人文母流胎教之慈曾  
子得生知之孝由是宮闈延囑邦國遠聞及乎玉笄  
輝首油駢在馭錫之美地邑以荆山求之令族嬪于  
薛氏爾其居玩圖史動修禮法服其澣濯恭儉之教  
與鼓其琴瑟敬讓之風被其行已也安親惠下之謂  
仁敬宗合好之謂義降貴接卑之謂禮恕情周物之  
謂智推心行罔不該備其理家也待膳饗餼之均和  
主饋醴醢之品齊絲竹五音之微靡纂組九華之綺

麗經目所涉莫不精記每至三元上賀五日中午參進  
對精華折旋舒婉故以式瞻貴里儀範通門如千花  
之汎蕙風百卉之涵膏露窈窕之儀克舉衍蕃之福  
大來有男子四女子五朱碧生堦芝蘭滿室也習禮  
明詩日漸庭闈之調銀章艾綬地連恩澤之侯日先  
朝徹袞之辰迄今主成笄之日外降過制內疾餘哀  
手寫金字梵經三部躬繡綵線佛像二鋪貝葉真偈  
現心相相銀釵蓮花妙容呈意生於玉指孝思惟則  
道遠乎哉開元繼明推恩由已進封鄔國長公主食  
邑一千百戶田賦廣而彌儉禮秩尊而恭益其後君



子晨歌夫人晝哭未亡為孺生意盡矣撫視遺孤將  
守栢舟之誓志其剝落未從柰苑之遊朝制斷恩改  
降鄭氏陵谷可移萌和之德不昧寒暑有遷松筠之  
性如一均養大子麻廕二宗汾陰之室忘亡榮陽之  
黨相慶既而善福虛應寢疾彌留盡國醫之伎遠方  
畢至供御府之樂中使相望命之必至可不信也堂  
邑山林忽焉瘁色平陽歌舞適足愁人開元十三年  
二月庚午薨於河南縣之修業里春秋三十有七震  
悼紫庭哀傷朱邱傾家若隊舉國同悲有詔光祿卿  
孟溫禮監護喪葬京兆尹能廷休副焉窆安之禮一

如涼國公主故事夏四月恩旨陪葬於橋陵不祔不  
從古之道也上念同氣之致美感閔川之來謝恨棣  
華之半缺悲瑤草之先化乃命國史昭銘懿迹降恩  
禮於雲露寫哀詞於金石水非湘渚還起帝子之祠  
山是洛陽即封天妹之塚銘曰

帝系白雲

仙源紫氣

漲家成國

承天作貴

赫赫聖祖

日文曰武

皇皇睿宗

一變萬邦

挺生淑媛

慈和孝恭

清臚如神

娥眉無雙

卹弟立官

湯沐建封

爰及笄總

禮施環珮

鳴鳳獻祥

乘龍嶸對

帝唐降女

歸妹



珠玉過庭	蘋繁正內	蛟門早開	龍湖忽上
無地何載	無天何卬	金經書經	華絲繡像
欲報之德	昊天罔極	孰是言歸	良人未遠
銀爐斲烟	羅幕霜飛	懇願毀形	說身壞衣
不諒人只	改嬪他士	稟命日從	從人日順
息媯繩楚	懷羸霸晉	反經合權	與道同韻
燠休二室	均懽等潤	四海謚清	九族和平
萬物向榮	衆鷄未成	心戀盛明	形隨落葉
祖載昂城	歸窆咸京	挽歌別聲	鹵薄凶行
哀哀聖情	惻惻同生	橋山片石	千秋令名

延州豆盧使君萬泉縣主薛氏神道碑

或稱達性命者齊生死之域遠憂悵者一脩短之數  
 斯蓋無心之論耳馬足與議於情哉何則雲虹滅影  
 詞人於是詠謠華秀從風君子為之歎息豈不以對  
 仙麗之景懷變化而遺戀在韶蓋之節悼零落而偏  
 憤吾見盧氏之子於其伉儷有馬縣主諱宇姓薛氏  
 河東汾陰人大父附馬都尉奉宸將軍諱瓘尚城陽  
 公主考附馬都尉散騎常侍諱紹尚鎮國太平公主  
 其在昔也夏有車正先封周有薛侯爭長其在今也  
 五宗姻於帝里重葉母於王姬河水經天上積星辰



之氣霍山震地下多珠王之休縣主旁而敏惠長而  
洵淑貞義孝烈之傳吉凶賓祭之儀一聞成誦紉紵  
絢組之製清毛醞差之品一見懸解至乃鶴迴清濱  
蠶聚崩雲月韻政砧花穠綵樹婦人能事咸臻妙焉  
大聖天后鍊石補天有王母之神噐分茅列土啓弄  
孫之美邑封猶有禮義引而親上簡乘龍正舉和鳳  
為難絡八紘以選門奄千官以求俊夫以龍圖帝寶  
析步搖之華源虎戟侯門襲京燕之雄胃人之信美  
帝用嘉焉以萬歲登封元年仲春既望歸於豆盧氏  
六官送行百僚供事迺以鸞輅遣以翟車環珮晃旒

璆然在馭黼藻未黛爛其盈門詔婚之禮於焉為盛  
爾乃移其愛敬以事舅姑伸其友恭以諧公妹舉宗  
洽比如鼓瑟琴每至婚姻會同少長咸集珩璜節步  
金翠耀首有婉婉之心無驕矜之色晞眇昧者若暹  
日之映連漪瞻詞氣者猶光風之轉蘅蕙加以引納  
懷和饋分周賑踈屬自附窮歸忘窘故蘭行彰信於  
闔門而蕙風滿盈於邦國諒惟琬琰之性自美抑亦  
劬勞之訓致焉中宗孝和皇帝雲迴南土龍見東京  
二儀更闢九族咸叙望我兄兮公王贊陶鈞之力曰  
吾甥也縣主開井邑之賦神龍元年春加實封三百



戶縣主既通籍門閤奉御又尚司殿省天子巡遊宮  
觀觴樂池臺我有周親無時不從主家外幸此齊后  
而聯息子婿中參與趙王而均禮或醉飽無度寒燠  
未平何嘗不御藥在門王入接路當時厚澤莫之尚  
也景龍四年二月以奉御出為丹延二州刺史保傳  
下堂隨朱轡而同去轎輦入郡與皂蓋而齊飛辭宮  
闕而歲闌慈庭闈而日遠肥泉永歎衰氣攻哀楚祝  
招而不來秦醫來而不及景雲元年八月二十一日  
傾逝於延州之解舍春秋二十有四美玉視顏明珠  
海色平陽舊宇遂無望於歸寧聿懷新文空留連於

水逝有子三人西華南容東里等或亂或岐呱呱而  
泣天何以罰神其思之冬十有一月五日歸葬於長  
安洪瀆原窀穸營護有命加等器服相遣率由舊章  
生之也榮葬之也禮若夫柔嘉好合善之原也肅雍  
降貴謙之道也山河其德容潤廣也能寵其祥祚流  
大也揆衆羨於脩姆馳落暉於小年此所以哀中之  
又哀也昔袁亡馬氏蔡筆斯奮鄭喪曹姬潘文亦作  
矧茲內範事華無媿砥望夫之石以表靈立緝幼婦  
之詞將傳終古銘曰

辭之重祖 胃軒國禹 相殷侯周 氏其上宇



黃黃白雲 鬱彼河汾 公門蕃衍 銘鼎氛氲  
則仁則義 則威則動 餘慶分祉 誕靈女士  
中宗之甥 鎮國之子 皎如霜雪 華如桃李  
舜族爰序 堯封咸秩 萬泉開源 三百其實  
守盛以儉 居冲不溢 亦既鳴鴈 宜爾家人  
劉謙恭下下 撫納親親 傾財致客 對饁如賓  
我有郊第 前臨黃道 我有池塘 却望青草  
漢輦停暮 秦簫拂早 歲月易忘 歡愉難保  
良人出守 將命北徂 與子偕往 飲別東都  
望母腸斷 辭家淚枯 露萎勁草 霜酸衆鷓

魂兮何歸 京兆之野 葬於何處 杜陵之下

巖巖雙闕 列列行楨 勒是德音 以觀來者

鄭國夫人神道碑 奉勅撰

鄭國夫人者弘農楊氏之女也開元神武皇帝惠妃  
之母曾祖諱謀以禮樂習文為越州司馬祖行以折  
衝學武為游擊將軍父宏以門才入仕為雍縣丞而  
早卒初則天之代夫人言歸武氏曰恒安郡王生惠  
妃及家令忠僕信開元十年三月終於通化里其四  
月卜宅于少陵原哀子銜恤號旻仰訴怨報德而本  
符託思齊於永慕皇帝悒鸞殿之內憂悵鶴池之外



條揚淑聲而金石刻揭高行而天地感國史司文命  
為鄭志君夫清明下濟嶽瀆上昇祥會德門慶育邦  
媛神授孝理之性天啓聰達之心加以潤澤詩書友  
玩圖傳伯宗好直預戒將止重耳羈遊先稱必羈豈  
真漢庭章奏假借仲長之才周官禮儀咨稟宣文之  
學昌言嘉論有如此者螭首螭領修眉橫波既工頰  
笑易為容止肅恭而不踟舒和而不倨商周革命遇  
屯有怡懌之顏桑霍傲予在貴無驕矜之色端容一  
貌有如此者紘紕祭服闕 朝衣纂組入神剪制驚  
國雕胡之餅露蔡之美五齊六清三鸞七醮咸一見

而洞理或不習而知和女工中饋有如此者惠妃  
設皇子在者四人驪泉多龍丹穴皆鳳克岐克嶷預  
見元凱之才實覃實詳早聞膏燭之豔亦關陰德之  
潛襲胎教之密傳乎又名子以義成家以禮忠者以  
令德為忠信者以不欺為信傳云去食去信信而有  
徵經云移孝為忠孝則不匱周宗咸履紀季獨存至  
德深圖有如此者璧司徒之妻邑其合禮南城侯之  
婦封其舊功况夫睿徽四德四德咸舉經綸二義二  
義克從匿武收繼趙之勳產姚承配夏之慶吹凱風  
於椒掖外王母於梧宮盛德大業窮光極榮啓國而



西鄭不亦宜乎十數年間二子榮立每至四時令節  
六參嘉會魚軒照門龜艾交室為壽則珠月山積宥  
幣則錦綺霞飛白玉滿堂聚姻親而同有黃金作文  
散隣里而無餘君子欽其布義聖人嘉其實儉故寢  
疾則飲食天厨湯藥御府匪曰伊夕上官絡繹於閨  
庭送終則戚儀傾都車騎矐目自宮祖野申使相望  
於道路哀榮之感書記罕聞所謂小君之遺美矣  
聖善之高烈者也如使後代考南史議西陵披簡牘  
而嘆息臨山源而茫昧旌賁之道不其闕而然則外  
孫之碑武檐之石非明淑之壘其何設焉辭成進御

帝稱曰善顧謂上札我其書之於是灑翰黃縑縷字  
青琬波橫 蹙神變豔爛於山門鶴倚鸞翔生氣寬  
延於松路禮尊事絕恩崇迹遠斯又玄德動天幽誠  
還日之奇致也誰昔未覩名言莫速係曰

代有丹德 厥氏楊兮 祖考為士 夫為王兮

聖后中葉 總萬方兮 天命未改 復歸唐兮

賢淑啓佑 繼絕工兮 宗周雖滅 神女昌兮

建號西鄭 榮舊鄉兮 魚軒翟第 盛龍光兮

二子雙飛 華綬連兮 出入輪奐 庭譁煌兮

去此昭昭 即茫茫兮 何處詔葬 少陵阜兮



貴妃慈親

王舅号

寒暑流易

山川久号

古墳坡陀

老樹朽号

專宮靈慶

百代守号

頌石光華

千載後号

穎川夫人陳氏碑

穎川郡太夫人者諱某雷州大首領陳玄之女羅州

大首領楊膺之妻驃騎大將軍兼左驍衛魏國公思

勛之母陳氏家富兵甲世首嶠外夫人誕靈豪右淑

問幽閑六行天至不因師氏之學四德生知無待公

宮之教原夫陳本媯水揚承赤泉九真為郡良史出

乎中國五馬浮江僑人占乎南海兩州接畛二門齊

望卜妻鳴鳳擇對乘龍揚公有聘玉之祥應嫗獲探

金石之慶號公弱冠昇仕鞠躬禁闥正性本乎胎教

剛腸形乎義色神龍三年六月五日北軍作難西華

失守騎入宮壺兵纏御樓公孤劍凌鋒群兇奪氣倉

卒之際安危是厲既立殊常之勲遂蒙超次之命授

銀青光祿大夫柱國弘農郡公行內侍其後改拜將

軍太夫人是加爵邑高光九仞重祿萬鍾朝廷羨其

揚名州黨尊其遠聽夫人富而好儉貴而能動身却

錦繡手親紡績公每昏定晨省夫人必誠之忠孝勤

學文武嘗謂汝稱思勛當心念其義父母名之欲汝



三思而勗勵也故號公便習干戈漁獵書史致命伐  
罪擒叛獠於百越寫誠誓衆破狂蠻於五溪聞子弟  
如使手足請風雷若應期契聖朝荅高秩於驃騎爵  
大封於號畧豈非以辭茅之懇忠成斷織之明訓臣  
節立矣君恩厚矣子孝成矣母慈著矣備此四者善  
孰加焉抑神道祐心而人倫興行詩曰母氏聖善又  
曰宜爾子孫斯實潁川太君之有也享年若干開元  
九年四月八日薨於長安之翊善里先公早世兵墳  
故城古無合葬禮有從宜夫以體歸下地萬里豈殊  
平子黃壤魂何不之雙棺幸同於玄室以其年十一

月十六日招魂祔葬於萬年縣龍首鄉神鹿里申孝  
子不忍隔親之情也恩勅賜錢十萬絹布皆百段日  
碑忠厚漢武知其母教馮勤龍貴世祖稱其母德克  
軫天情頗為連類號公生盡其禮沒盡其哀嗟閔水  
之日逝悞藏山之夜徒追鏤碑板遠貽圖傳藁藁至  
意有足感人性慳信言固無媿色銘曰陳公舜後楊  
侯周裔去國何人南遷幾世鄙綠嶂表珠崖海際兩  
族相京財雄兵銳倚歟邦媛儷茲國士友若琴瑟華  
如桃李心契法度容和愠喜資敬從夫移忠訓子嘉  
此令子南溟北歸于天鶴唳下瀕鴻飛朱宮退敵銅



張說之集卷二十一  
柱來威國安家寵魚軒翟衣子封號國五公前字母  
邑潁川二君舊土感激榮慶踟躕萬古高堂夜空吊  
客朝聚龍首山前前臨灞川招魂五嶺合葬三泉山  
山丘墓樹樹風烟孝碑不滅慈墳永傳

昭容上官氏碑銘

齊公叙不錄

天降時雨山川出雲乃生靈媛祚我聖君精微其道  
煥炳其文三光錯行昭容綱紀百揆繁會昭容條理  
外圖邦政內諭元子憂在進賢思求多士忠孝心感  
元馬報之吉凶感應有數丘焉禱之如彼九日昇焉  
慕之如彼王良秦烏悼之漢宮選才班氏其特楚史

書霜樊妹之力或穆齊公叙其明德嗟爾彤管是鑒  
是則

張說之文集卷第二十一







世處台衡之地士林之高標宗臣之首出者也生於  
秦之清水長於鄭之成臯聰明先覺博古兼今究蓬  
山之百氏綜闢里之六藝文而不華實而不滯原夫  
志在於易行在於禮守橐籥之冲虛播朱絃之愷悌  
事有則而言有度神無方而用無體其與人也温良  
善誘仁恕多容俾夫頑蔽開折復驚擾從君子進道  
小人革慮聞者願來見者忘去若膏澤之浸陽和之  
感萬物不知其化矣夫覆篲登朝濫觴宰邑聖朝知  
其周慎忠肅簡易脩良是以綢繆兩禁重疊千里迄  
踐宰衡終厥有成允化二邑理七郡三八中書再統

兵部選兵吏各兩冬典樞密共五載光弼四主歷政  
三十有餘其間累有傍及官因左退日月蝕而更明  
隨和幽而不昧爾其為邦設教遵德閑邪身勤心苦  
誠感物化禮讓興於私室刑罰廢於公家衡鏡高懸  
文武矯首才無我失善若已有風流名教作法垂後  
訐謨皇極功格天地茫茫蠢蠢既生既遂四夷來王  
五靈皆至然而外崇中素迹邇心遐杳然朱戶之若  
喪貌矣赤松之可接西宴驪山之谷東息龍池之野  
擇逍遙而建號列土宇而開社即明主封立帝之謀  
表高臣之志也公考侍中為國元輔公兄承慶當代



齊名咸以令德繼和金鼎扶陽二相陳氏三君復追  
美矣侍中前夫人崔氏生黃門而即世後夫人王氏  
生公而偏愛公克諧以孝曰心則友啓均養之德成  
無間之言天下之人比之祥覽惟公德行言語文學  
政事四者實摠而兼之事親養志而能爭居喪過哀  
而顧禮此善中之善者也善人天之經也國之寶也  
道將興廢木鐸之用有時命或推移蒼生之望恒在  
春秋六十遘疾陳郡還醫洛師開元七年九月二日  
薨于歸德里有詔贈兵部尚書謚曰某禮也明年某  
月某日葬於某地有子孚恒濟史偶然在疾靡所冥

哀以某系縉雲之舊察清風之餘論入難名之閭域  
窺妙德之形容見託銘誌庶傳精爽至於歷官次序  
平居事業當見郡府遺愛之碑國史名臣之傳故不  
存焉銘曰

我我仁公抱孝含忠文獻則足高明有融  
翻飛王佐直穆我清風道濟明時心樂幽地  
薛衣華袞坦然一致逍遙啓封帶礪傳祀  
生涯共盡入振古其常人秉三德天歸百祥  
平臧孫有後四公業不亡

岐州刺史平泉男陸君墓誌



開元十三年十一月六日故岐州刺史平泉男陸公  
卒于京師十四年冬十月葬于鄴西之先塋公諱伯  
玉字某河南人識真之士也夫譽其克家光乎觀國  
篤慈惠以宰邑弘雅量以執憲擅華妙於禮闈敷文  
敏於禁掖推直方以獨坐率易簡之專誠所居而美  
風振所蒞而德聲溢充於我而美形乎外者為若夫  
孝盡愛敬之衷悌包友順之節仁協返身之恕義適  
成物之和四者禮之善物歟吾友嘗從事於斯矣然  
而舉禮之綱持心之柄靜則樂先生之道動則濟賢  
人之業位不盈量年無登壽之才也之命也復焉可

得而言哉銘曰

陸侯泉妙

體曠心古

龍章炳文

鱗角藏武

橐籥冲用

詩書義府

移孝則忠

安親合主

乃建侯社

乃牧王畿

有嚴有翼

有長有威

汲立謝病

泰和不醫

乞言耒老

啓手全歸

石鼓東臨

銅臺西望

別業宛在

舊塋增創

弱子攀車

孀妻送葬

風景飄忽

山川惆悵

令德可傳

浮生匪重

神去一息

形遺萬種

靈往草陳

霜來樹拱

仁義長蕪

沒於丘隴

恒州刺史張府君墓誌



君諱承休字某吳郡人也留侯興漢播美西京長沙  
徙吳蔽蔓東土曾祖冲在陳為文帝師入隋為漢王  
學士祖後胤授經太宗尊之以祭酒既封新野又贈  
以宗伯考少師位不充量止於朱陽宰班固稱世名  
忠孝魏武為積善之家昌門一系暉我諸族君受天  
戩穀傳家業藝希言敦行去華崇實非法不由非禮  
不動精於物理敏於政事初以南郊齋即補兗州兵  
曹下太夫人憂廬墓三年加人一等再任始州司倉  
應八科舉改鄭州錄事參軍又舉賢良方正遷揚州  
司錄參軍移蘇州常熟令歷政皆有能名加朝散大

夫入為司農丞實掌錢穀姦僦恩望使覆囚嶺南是  
司獄訟聽折惟允迺授濟源令風行畿甸河潤洛師  
加朝議大夫上柱國拜隆州司馬轉恒州長史簡而  
有孚權而有中道嬰風恙去職就醫還京春秋六十  
有二終於頌政里夫人成紀郡天水秦氏廬陵郡公  
行師之孫嗣公遊福之女敬事君子訓成諸孤當代  
之孟母也年六十二終於許州開元九年十月某日  
合葬於武功之禮讓原禮也夫道太難合仕屯而不  
進德高有後身沒而福流君同生八人半服銀艾祔  
胤五子率為瑋璋比迹於燉煌六龍南鄭千室德門



濟夷傳有徵乎懼陵谷或遷乃勒銘沉石銘曰  
思大苗侯時惟皇祖長沙南守十分韓東  
家有遺書之問傳相府之鬼我重世合通經二主  
誕靈上哲六克廣斯文指造次仁義半優游典墳  
孝乎事親公忠乎事君文猶郵叔父列亦足有云  
公諱君衡字正平廣管高州人也昔畢萬苗裔邑于  
馮城因以為氏其適越裔則袁宏過江錄所載長樂  
馮思慙之後也遠為遊地依為右族帶甲平人擬四  
豪之公子田園實阜齊美之封君祖蓋持節總管

高州都督耿國公葵贈左驍衛大將軍荊州大都督  
恩命分府為三州君之三子子智弒高州刺史子智  
玳恩州刺史猶子子游潘州刺史公荊州之孫恩州  
之子量包山海氣逸風雲陰德以濟物力行以游道  
散岸從心乘化而沒斯實一方超邁全真之士也夫  
人南海郡太夫人麥氏誕嫗勲門作嬪傑室初執奠  
妻之禮終抗梁寘之行即大將軍宿國猛公鐵杖之  
曾孫女也夫人有三子一女同歸上京長子元進左  
衛中候次子元珪左領軍衛即將少子方士右監門  
衛大將軍少養於高氏故舉家從其姓焉天德厚者



福長先否者終泰天之報應豈虛也哉大將軍所以  
雲漢奮飛忠孝至感迎聖善於大海展三牲之色養  
拔交于於荒徼會四鳥之嚶鳴縉紳美談晉級傾慕  
是知敬仲羈旅將育于齊孟軻儒裔藝成名此母信  
現才之特達亦餘慶之助成乎夫人享年八十有七  
開元十七年五月廿二日薨於西京來庭里粵以八  
月二十二日安厝于長樂原之新闕閔將軍之純至  
嘉先士之晦名恩詔追贈潘州刺史招魂而合葬焉  
蓋殊常之禮若夫慈以遺後孝以揚親忠能合聖惠  
足昭仁嗟乎馮氏之子具此四德鏤石垂文為不朽

矣銘曰

潘州遺世滅迹沉彩詔贈本邦光燦南海

其孤永慕昊天不逮夫人處順言奄背榮胤

悲離兩鄉魂合雙襯孝心可贈幸有年匪恹

夫日蒼蒼空立隴茫茫下地名長樂人人樂無長

平郭門之外於愁生白楊

贈卽將葛君墓誌

公諱威德字某葛本梁國寧陵人也因徙遷今居京

兆涇陽縣父寶未仕早世公室無陶白之資朝無金

張之援不承過庭之訓不漸鼓篋之術而能奮飛喬

三



木獨拔深濟富忠孝而揚已善射馭而聞天早以武  
藝妙選供奉每扈遊別館侍蹕禁林何嘗不左發五  
犯傍連雙兔歲久拜元城府左果毅都尉尋加上柱  
國入陪內杖恩馬斯才出用未展其生有涯神功二  
年某月日終於東都私第殯北印之山夫人太原郡  
太夫人郭氏從夫有禮以子而貴開元八年十一月  
薨于京兆之修真里有子福順克家用孝開國惟忠  
泣風樹之無追痛榮祿之不逮哀戚之情上感飾終  
之澤下流窀穸有期祖奠將設有詔贈右驍衛郎將  
開元九年二月七日合葬於長安縣龍首鄉禮也

鬱宰樹蒼蒼墓田恐佳城之見日祕銘石於重泉詞  
曰都尉武達夫不禮封令德高行譽偶名雙自古迄  
今仁賢同盡唯傳忠孝餘慶不泯  
四門助教尹先生墓誌  
先生諱守貞天水與人蓋好學博古者也本乎官族  
稱爲尹氏昔有伊佚司周太史暨乃吉甫勒於宣王  
格言大勲布在詩傳遠祖締魏僕射曾祖欣隋開府  
大父珍唐棣州蒲臺令父文通唐通州三岡令先生  
積德餘慶天錫純嘏愿而克恭情與禮合七歲誦三  
雅能通書契訓詁之義識草木鳥獸之名十五誦三



禮能明君臣父子之道定郊廟吉凶之制二十誦春秋尚書能精五行九疇之數斷褒貶會盟之節二十誦詩及易能辨政雅頌之始極變化生生之至又能誦古史百家之書善文章草隸之則耻夫流俗者實響聲飭華褰末故每外和內厲元元本本學者如斯不舍晝夜垂拱四年以明經高第遂授大成自延載之後條限廢薦長安之初大開貢舉考功是歲千五百餘人召先生課覈淑慝時稱無滯學矣天子聞其進通經術乃下制曰成均大成尹貞業隆時習功宣日就既有勵於分陰俾參榮於校席可四門助教

說說青襟有所仰矣長安二年六月十日晝寢忽夢麟臺兩局爭召修文覺而歎曰十二日稷吾當往矣因命親族序訣至日安枕俟期俄然而卒春秋四十可謂古之達化知命者也嗚呼天與之德而不永其年天與之才而不大其位何乎粵七月十七日塋於高陽原先君之舊塋銘曰山峯之大嶽故佳呂對曰尹氏之子其殆庶幾為仁由已三月不違謙成德柄學也身基辟雍洋洋可以療飢環林之下可以棲遲我實道貴人言位微修文下地前哲同歸予之知命將歿先期



朝衣束首 精鬼高飛 人之云亡 胡不悽而  
高陽之原 有陟其側 郭門直祀 松栢一色  
丘隴纍纍 阡陌誰識 浮焉休焉 為我心惻

元州司戶上柱國呂君墓誌

公諱虔字其其先東平人也堯之太嶽始封呂侯周  
之太師實表齊國河西則霸王繼代關東則丞相聯  
華近從河澗是稱右族大父贊隋幽州都督府長史  
考師滄州青池令並振羽儀馳聲郡邑公孝悌天至  
福樂混成千里聞騏驥之才五卿重瑯琊之價柱士  
行去樹勲於塞垣君子居之何陋於蕃郡以上柱國

為玄州司戶參軍積善襲於風餘慶流於身後享

年君子而卒夫人河清縣太君傅氏四德兼備六行  
聿脩始則寧終莫喪終乃順成孟母春秋若干而終  
開元十四年某月合塋於州城西南里之平原禮也  
我有令子職司馬於小山我有淑孫偶乘龍於大樹  
榮哀之事于茲畢矣銘曰

會堂堂昌公德休有令德穆穆傅母之順戎內則

雨譽齊振指雙儀不惑景行山東風流河北

念有生必謝誰能獨存負神寧故里合塋平原

劍暗泉室松寒墓門 勒銘沉礎 萬古何言



徐氏子者名巖字某封貢外郎堅之第四子也  
子悅雲鳳毛詵甘孝友因性聰敏若神置在膝前已  
會坐飛之氣戲於林下能記寶主之詞及搃角成重  
精意好學閉一知未拜堂觀奧下筆成章而倫要發  
意為論而卓詭識者咸謂增世構之崇慈蓋源流之  
洪潤雖由露之孫十三飛辯班彪之子九歲能文不  
尚之也氏子何辜頽頽無命年十五有三歲大足九年  
九月遭疾而沒嗚呼哀哉朔月始生不見其盈瓊枝  
交秀不見其茂悲哉銘曰

生日何淺 死路何深 珠碎眺月 花殘維林

哀哀父母 孰處何心

鳳閣尹舍人墓誌

我我尹氏太古之始發源堯師中兼周鄉爰暨初考  
咸有頌声猗歟府君代烈增盛孝行之本謙德之柄  
耽樂道真含光無競三典郡土五行以正再司府丞  
百工興詠茫茫大造物生遂性虛無宰之孰能力爭  
位不克德優游天命身沒道存同符孔聖是有才子  
克成餘慶子曲阿令銘曰  
存為神鑑 歿為國殤 惟呂惟子 同歸義方



司屬主簿博陵崔訥妻劉氏墓誌

夫人劉氏其先彭城人也隋毗陵郡通守子將之曾孫唐滁州刺史德祖之孫汾州刺史延嗣之女也昔武子處秦厥初令氏元王國楚是焉昌族盛德之門龍驥接彩世祿之胄龜席聯華夫人璇室載蘭蕙林曾秀喑喑黃鳥豔豔清明聞詩聞禮竊比諸生茂行淵心實稱士女及鳳飛啓絲夫婦盡琴瑟之和鷄鳴咸纏舅姑移喬梓之敬友愛洽乎妯娌任恤周乎姻戚豈惟禮備澄幕工深機杼固以能循法度宜其室家矣年若干以大足元年七月某日寢疾而卒粵二

十九日某辰假塋於某里夫國喪賢嬪家亡淑媛母氏垂白殯奮所懷稚子始孩翦焉無倚嗚呼天道輔仁人道與順眷茲大德不遐三壽何哉報應之理豈神食其言脩短之期將事歸於命外姻畢葦累歎不定夫人即吾姨也今薄譔素履永刊幽石圖史之外有羨焉其銘曰

崔實齊胄

劉亦漢宗

崇其顯媾

望偶族雙

閻闈是穆

饋奠斯恭

貞歌浮漢

孝室洞江

珪璋其節

桃李其容

宜享階老

胡寧鞠凶

朝雉飛陌

春蘿墜松

夫傷兮墓

去此何從







祭和靜主文

為高力士祭父文

為妓人祭主文

弔陳司馬書

正月癸亥孤子范陽張說頓首頓首陳君之靈頓伏  
首蓋遠辱慰疏執對號慟次於展洩來使未還傳君  
遇禍盡哀寢外傷心痛骨明府兄毓德南邦飛聲中  
夏急人之急憂人之憂勇於履危果於從政入使天  
闕有專對之美按俗交州見澄清之節故得振衣衡  
管割錦閩鄉越嶂舊風人徂輕剽揆之以淳俗格之  
以華章矯枉過中斯害也已齒由剛折膏為明銷鳴

呼陳君婁直而殞皇天輔德問之何故疇昔炎海契  
闊周旋義則友朋恩結兄弟方期歲暮燁燁相榮玄  
髮未華何圖零落山濤猶在稽紹不孤逝者有知當  
昭是意今返防闡力報前書幽明雖異交友無改悲  
言下筆涕泗從之并住千錢俾陳奠酌歎欵萬里哀  
哉奈何說頓首再拜

弔國殤文

此伐兮東胡邈遼陽兮孤竹偏師兮覆衆在崇山兮  
峽谷露茫茫兮蔓草風蓁蓁兮拱木見馬血兮夜燃  
聞殤魂兮雨哭君王按金鼓而氣憤撫珠鈴而淚滋



橫萬里兮抽恨弔群山而馮悲懟凶將兮我辱悼勇  
夫之秋曩彼前鑿兮未遠何後來者不追對死地兮  
出陣傷門兮用師軍奪帥兮虹食壘車脫輻兮火焚  
旗有樂釐兮復矣無范宣兮媿之命窮迹兮短兵錯  
虜鈍刃兮血染鏑旅殘潰兮棄組練山猶號兮谷餘  
戰殪原野兮柰何遠君親兮不見於戲何天命之奄  
忽俾仁義之禮兵馬蠻夷之侍骨骸六校之飛將闐  
五營之勁卒吾見出兮不歸噫名存兮身沒

奉勅赤帝壇祈雨文

維開元十年歲次壬戌四月壬申朔十四日乙酉曾

臣侍中源乾曜中書令張嘉貞兵部尚書張說謹以  
清酌昭告于赤帝自冬涉春至茲夏首宿麥將秀時  
雨未洽皇帝降服減膳避正廢懸恐害稔盛是憂黎  
庶仁肯之勤已極兆人之感未通何辜于天而此不  
惠曾臣乾曜等同力聖日無敢怠荒薄才批政多所  
不及神則不雨或此之由內訟懼惶莫知啓處曾臣  
等若上無補衮下不利人方功害能負恩竊位惟神  
臨照簡擇其心降禍厥身墜祿損命三臣當咎足謝  
天責萬姓何辜俾失農望今因夏享展禮既終上抒  
聖衷懇祈人命至誠必感佇流嘉液旨酒獻誠神其



尚饗

祭城隍文

維大唐開元五年荊州大都督府長史上柱國燕國公說昭告于城隍之神山澤以通氣為靈城隍以積陰為德致和產物助天育人人之仰恩是闕紀與恭承朝命綱紀南邦式崇薦禮以展勤敬庶降福四毗登我百谷猛獸不搏毒蟲不噬精誠或通昭鑒非遠尚饗

榮域門文

維開元五年荊州大都督府長史上柱國燕國公說

昭告于大府城門天有三光地有五行陰陽順序庶物以生霖雨過旬晦昧不晴柰何以陰賊陽以蒙蔽明恐害嘉谷無奉梁盛維爾崇墉本人所害積陰攸虔德在助成苟人是利亦神之臧速收雲雨以復天常報爾時豚薦爾馨香謹以清酌脯醢式陳榮事尚饗

祭江祈晴文

滔滔大江南國之紀協靈通氣降福禦災是載方冊代存祀典歲維季秋苗稼大熟霖雨猥集農夫未收油油杭穉垂生芽蘗上則神威將廢下則人心何仰



公私憂窘靡禱不周訴爾明靈撤此雲雨欽儲牲幣  
俟蒼神休謹以脯醢敬崇禋請霖雨霽崇崇大木文  
年日昭告于大江之神王有百谷禮尊四瀆善利  
維神朝海作賓發源岐山駕福來臻率此荆土明靈  
是主已成嘉谷垂敷霖雨聽我虔祈福我農畝既暎  
既獲既塲既慶欣欣衆心願蒼神祐察牲明酌寅奠  
江浦言嘉谷無奉采瀕垂爾崇禋本人所寄蘇劍所  
祭殷仲堪羊叔子文

叔子像廟成而祭之維年月日燕國公某敢告晉羊  
殷二荊州之神我聞立人之道曰仁與義仁者孝之  
先義者忠之主殷公為孝子羊公維忠臣行植晉國  
德施荆人不孤其美是建為隣雙鳳雖舊二廟維新  
凡百君子高山仰止馨香以時敬恭明祀尚饗

祭霍山文

長安二年月日皇帝使并州道大行軍副大總管尹  
元凱等敬薦清醑敢告霍山之神皇帝天覆萬物各  
遂其性祠于群神罔不咸秩獨彼凶軒啜停天震人  
窺邊猾夏略無寧歲皇帝哀此黎獻勤於征役憫彼



夷落毒於昏暴常欲誅其魁首安是藩毗寇虐盈稔  
神人同棄今日送死并朔驚近山陵命將出師龔行  
天罰惟神炳靈參野作鎮異方歆是正直贊揚威武  
俾胡馬化為沙蟲王師衆於草木獻捷之日昭報神  
休尚響

祭崔侍郎文

維神龍三年月日兵部郎中員外曹良史等謹以清  
酌少牢之奠敬祭故侍郎崔公之靈位以行成名以  
才起天臨明代是生君子長戟高門層堂峻趾交孝  
仁愛衣冠標軌清通正直省閣條理束帶立朝惟國

之後抑揚吐納金聲玉振器不滯方神無留韻厚奉  
外不為假坦率內不違真汎交而容博好施而能均  
欲人規已恕已及人故者不違其故親者不失其親  
歷否泰能全節故令名不離其身方齊六相助明三  
辰何孤我德何負茲神搏空落羽中駕摧輪昔朝祭  
列今為弔賓凡二三子夙承遊春聯務七兵歲陽三  
變分與時積事由更練蹇蹇公庭申申私宴慟音徽  
之奄永懷舊範之不見載容止於綴足潛眉目於象  
面哀哉柰何涕零如霰緬惟初疾以迄將亡意氣精  
爽乾乾自強顧瞻賓客勉勉矜莊几不側弁衾無解



裳話言靜密憂公不忘猶看駿馬尚聽名倡靡藥不  
嘗倏為信宿俄歸眇茫歲祖置酒春中醇醪何去凶  
之共域同歌哭於此堂自古及今人誰不沒豈歎生  
死所嗟倉卒脩途未半壯志先伐斃子亂年遺胤數  
月在親親與懷舊孰不傷心而痛骨虛莫易收深悲  
難歌尚饗

為河內王作祭陸異州文

維萬歲通天元年月日神兵道大摠管河北道按撫  
使右金吾衛大將軍河內郡王以少牢之奠致祭故  
冀州刺史陸君之靈戎羯不道侵軼幽都凶渠殄滅

餘燎星鋪鳴弓扶柳飲馬集廬集廬同惡難起無虞  
梟鏡為旅鯨鯢有族裳其末兵剡荻弦木叛換吞噬  
睚眦觸逐亂舞梯衝潛攻版築鑿齒爭厲熊蹯未孰  
喻垣自潰守陴皆哭高局已陷連樓復焚人類雜草  
城隨壞雲僵屍暴骨藉藉紛紛嗟嗟使君死節無恠  
政寬成俗兵梳不振狡爾猖狂難以德鎮城為讎保  
身膏虜刃明明上帝仁覆憫下赫赫神丘駟馳在野  
朝告夕起如何不及將守非堅為寇是急救兵適來  
涉血猶濕三軍雷歎有城雨泣天子命我董戎冀方  
旌旗介冑千里相望既掃氛濁言巡戰場輯穆人吏



撫寧孤孀徘徊城府悽愴并崇禮重王事哀深國殤  
竟有有感歆此嘉寧

為魏元忠作祭石嶺戰亡兵士文

維長安二年月日勅魏元忠以酒脯時果之奠致祭  
于石嶺戰亡兵士之靈戎羯慢天南牧吠主石嶺橫  
地北都肩戶與我王卒保界并土如何不弔羅此寇  
虜列鎮既嚴連巖既削攻則路險守非城惡彼謀匪  
滅實愆偕作援絕兵滅軍孤勢弱地拒兩陁山望雙  
崕胡塵大起白刃交錯石盡矢窮旗焚胃落嗟爾戰  
夫烈烈忠義奮不顧命志無旋踵身沒名揚生輕義

重天子命我理兵晉陽思與士衆底寧遐荒痛茲壯  
士翦為國殤盍訴天帝降厲鬼方助氣金鼓復怨沙  
場虜血爾酌虜醢爾嘗封死死所招魂故鄉尚饗

為魏元忠作祭石嶺沒士女文

維長安二年月日朔勅以酒脯時果之奠致祭石嶺  
死喪百姓之靈北胡自擅賊虐不道氣捍朔風馬肥  
秋草侵軼郡縣驚逼稚老奔走山軍是障是保兵不  
善守將不遠謀如何滅竈無復燒牛俾爾士女燔于  
寇讐竟飛狄刃血迸檀裘殤悲雨哭氣怨天愁摠兵  
帝鄉言念北阜抗憤戎漠傷心按部泣弔郊童哀問



田叟為爾復惡誓滅群醜躒踏蘭山脂膏蓄藪誠若  
克就沒亦不朽慰爾衆靈酌此簞酒尚饗

為人作祭弟文

維年月日兄某致祭亡弟尚書之靈天實喪予不整  
遺善家殞玉樹國墜寶臣嗚呼執柔何痛之甚嗟予  
與爾夙遭閔凶哀博相鞠殆及成長爾性岐實穎德  
表宣慈之旨盡友悌之心言必忠貞之事綿綿我族俟  
子而大<sub>夫</sub>德之令圖荷朝戚之惠溼白首相對紫  
綬綬雙行<sub>行</sub>既秉國鈞既敷朝典出牧千里入宰六  
官予聞<sub>訢</sub>言誠過寵余嘉爾行在貴能卑清淨温

恭每希於上士飲食車馬不越於平人每思與爾歸  
印東都懸輿故里揚名講德居常待終當謂老夫沒  
於汝手不圖令弟殞自我先及爾痾屬予伏枕纏不  
見數日長悲九泉嗚呼刊述未成平生已盡髮膚猶  
在魂魄焉知聞爾屬纊之辰託予身外之事薄塋之  
禮還從爾心字孤之情不待遺意所恨在疾不觀於  
喪不臨沉綿苦懷纏迫斯甚予羸老矣傷心幾何人  
琴兩亡命也命也

為鄭虛已作祭舅文

維年月日外生虛已謹以清酌少牢之奠敬祭于故



汴州司馬四舅之靈豐積周親天禍外氏仁舅捐館  
靈輜祖庭四海喪其範儀九族失其陰潤今循昔觸  
緒增悲恭惟先門逮舅平日淵流莫逆道術同歸穆  
齊鄭之累姻深言孫之至友及鞠凶之際創巨失圖  
賜原獲葬之恩事優含哺之育顧省全立功歸撫惠  
竊荷濟於百罹思效過於一等豈期德素積而力其  
醜頭未申而禍先集不孤之託緬爾何依猶父之心  
忽焉罔報冥昧靡覩存亡永遠執饋奉酌五性含塞  
幽靈昭察當歆宿誠

祭和靜縣主文

維年月日敬祭和靜縣主之靈惟夫人  
軒庭繫祉羸臺成淑承訓公官宜家鄉族博士學藝  
尚書題目法度顯藝儀刑松菊夫拜中令昔同鮑婦  
子昇瑣闥今類馮母舉按如賓闕門誠友在貴能降  
居貧施厚天道迥初華王風變韶維城落構若木踈條  
欽聞積善智洽仁昭克庇二族命服兩朝肅肅柔和  
如風是暢娥娥女師如月斯望滿輿獻壽伸祿方養  
不弔昊天何德之喪嗚呼哀哉洛邑啓殯長安歸悃  
哭慟高臺旌懸舊宅階濕夜露庭陰曉魄嗟我外姻  
俱成弔客



為將軍高力士祭父文

維開元十七年月日孝子力士敢告于考潘州府君  
妣南海太君之靈小子不天夙齡閔凶身嬰冠標家  
值虜裂幸供洒掃之餘遂蒙侍從之顧扶戴明聖逼  
畏艱難大固不敢不密小亦不敢不誠事必記心言  
無漏口日慎一日將二十年玉弁加首金章在佩先  
靈納祐明降鑒阿母遠至於京華妹兄自投於泥滓  
咸以官漸榮祿姻通士林慈顏回復於目前同氣展  
觀於膝下又緣育幼高氏變族移家敬愛盡於一堂  
溫清周於一紀不圖無狀招禍見孤奔聖主恩華曲

逮存沒邑封舊郡官贈本邦親感恩澤子承父意致  
命報天誓有同於噉日竭忠資孝志無忝於幽泉敬  
惟靈懷慰聞昭遂先遠有田卜兆新營遙啓尊魂合  
祔良壤哀追祖載攀戀湏臾謹以清酌少牢恭陳遣  
奠盈罇不舉虛饌莫嘗號天叩地殞絕何仰

為妓人祭故主文

維年月日故妓人伏十善謹以清酌少牢之奠致祭  
于元十郎之靈淥流茂樹萍蘿是依山崩川竭魚鳥  
何歸恭惟主君高才達節賞心樂事風流不絕歌艷  
露華舞翅春雪幸持此技承君餘悅綺羅脂粉嬌上



春自言終世寶情親寧知一旦君恩斷繁絃清管為  
何人懷主君之異頭頭殉命於九原迥失人之嚴旨  
遂投足於他門生有十年之愛沒無一日之恩雖強  
容飭於新奉心摧絕而不敢言君子廣行心必遍疇  
昔與君琴樽惟宴永懷蕙歎俯憐荼苦錫以時珍申  
哀故宇廢車旣展祖奠斯開悲歌助挽長袖乘盃平  
居好此魂來不來心思往而莫遂足欲返而遲迴終  
天地於此訣毒煩冤而難裁

張說之文集卷第二十四

表

請不從靈駕表

奏慶山醴泉表

奏瑞禾杏表

賀岷山表

羊乳麀表

為留守奉嘉禾表

建安王奏失利

謝賜衣及藥表

為建安王讓表

為薛稷讓官表

為郭振讓官表

為僧辭公封表

百官請不從靈駕表

臣某等言伏以靈駕首途聖恩攀從國計非便群情



不安冒昧上祈未蒙哀允跪拜還肯載深惶惕臣某等誠惶誠恐頓首頓首死罪臣聞古者天子上法天心下極私情不違衆欲以順人理國爲孝以克己制心爲禮是故凡聖異禮公私殊制私心獨展凡人之孝萬姓感善聖人之孝也陛下行堯舜之事以萬姓爲心柰何守曾閔之節懷獨展之願臣等囂囂竊所未曉且永淳以後閔輔流散近適旋定人猶未足今山陵起築役徒摠萃彌春涉夏爲費弘多若陛下此行群司畢從於人取給臣實難之水旱小愆農慮非淺東都則水漕淮海易資鹽穀之蓄陸走幽并迭歷

戎夷之便朝命新復人望在安宜應靜鎮未可移動陛下若俯順群願留撫都人則其安若此如不勝私情攀奉靈駕則其慮如彼况扈從兵馬既不預集行宮凜蓄又未先備發期甫爾支計闕然倉卒敦迫必不堪辨若待陵寢既安霜露終感三農歲稔萬乘時巡奉園廟以展瞻日月以何遠今固將杼私戀棄群言忘人力薨國用此實非陛下安集新業之圖亦恐非先后憐憫遺人之意且朝廷故事典章猶在獻陵追遠太宗不至於三原昭陵上遷高宗不至於九峻豈先帝私懷不甚老故群臣公議之所奪也伏願



仰遵舊訓顧定新基屈至性而順群心抑小節而成  
大孝使軍國長算咸洛皆安邦甸窮人賦歛少減萬  
姓翹望實深至願有寮結誠期於死請無任悲迫之  
至謹詣朝堂奉表固請以聞

為留守奏慶山醴泉

臣聞至德洞微天鑑不速休徵祕景時和則見是知  
綿代曠歷慶謀祥經帝王有必感之符神靈無虛應  
之瑞伏惟天冊金輪聖神皇帝陛下金鏡御天璿衡  
考政欽若立象弘濟蒼茂功將大造混成純化與陽  
和俱扇朝百神之樂職宅萬國之懽心嘉氣內充滂

雨外息豈止搖風紀月之章列時於階除儀蕭嘒籙  
之禽相鳴於戶閣而已固有發禎厚載抽肥泉源表  
玄德之潛通顯黃祇之昭報臣於六月二十日得所  
部萬年縣令鄭國固忠狀稱云六月十四日縣界霸  
陵鄉有山見醴泉出謹老戶曹參軍孫履直對山中  
百姓檢問得狀其山平地湧拔周迴數里列置三峯  
齊高百仞山見之日天晴無雲異風雲之遷徙非崖  
岸之蹇震欻爾隆崇巍然蔚鬱阡陌如舊草樹不移  
驗蓋地之祥圖知太乙之靈化山南又有醴泉三道  
注三池分流接潤連山對浦各深丈餘廣數百步味



色甘潔特異常泉比仙漿於軒后均愈疾於漢代臣  
謹按孫氏瑞應圖曰慶山者德茂則生臣又按白虎  
通曰醴泉者美泉也可以養老嘗出京師禮斗威儀  
曰人君乘土而王其政太平則醴泉湧潛巴曰君臣  
和德道度協中則醴泉出臣竊以五行推之六月土  
王神在未母之像也土為宮君之義也水為智土為  
仁伏於土臣之道也水相於金子之佐也今土以月  
王而水從土制而靜天意若曰母王君尊良臣善相  
仁化致理德茂時平之應也臣又以山為國鎮水實  
利人縣有萬年之名山得三仙之類此蓋金輿景福

寶祚昌圖邦固不移之基君求無疆之壽自永昌之  
後迄於茲辰地寶屢昇神仙再聳未若連巖結慶並  
泌疏甘群瑞同區二美齊舉高視古今曾無擬議信  
可以紀元立號薦廟登郊彰賁德齡愉衍萬宇臣辱  
司京尹忝寄留臺牧西夏之疲人荷東蕃之餘寵游  
泳鴻沛神禧嘉祉物感有歸先啓茲部茲喜覩殊觀  
實百恒流踊躍一隅馳誠雙闕伏請宣付史館頒示  
朝廷無任鳧藻之至

為留守作奏瑞禾杏表

臣聞天徵地杳惟聖能通物寶靈喜在德斯感伏惟



天策金輪聖神皇帝陛下覆翼萬方植生群類化行  
至道風流太和白耀青光日月之瑞赤文玄甲丰  
河洛之符既慶溢於山泉又嘉賁於草木臣今月三  
日得所部萬年縣令鄭固忠狀言縣界內霸陵鄉新  
出慶山南之醴泉北岸有瑞杏三樹再葉重花嘉禾  
三本同莖合穗臣謹老司兵參軍鄭味玄檢覆皆實  
臣謹按孫柔之瑞應圖曰嘉禾者五穀之長也王者  
德茂則生昔炎帝教洽人心而嘉禾秀周公理合天  
道而嘉禾豐臣又以事可理推物有類驗蜀桑異葉  
李定知其有祥漢木奇枝終軍以為無外今植物搖

落而瑞杏繁滋所謂仁育之風行於肅殺之序此蓋  
聖道隆渥靈祚和多朱萼素花彰孝理於詩傳一莖  
九穎合德耀於祥經曠代殊珍崇朝累集方俟山流  
石髓杏茂仙林醴挹軒漿未登堯膳受天介福錫帝  
長齡覲王母於昆臺朝神人於谷口今綠苗尚莠黃  
粒未成當須早秋不獲早獻臣忝尹茲部頻矚洪休  
抃躍之誠倍萬常品

為留守作賀岷山

臣聞山川變見如來有尋道之祥國士遠移至人任  
不思之力伏惟皇帝陛下弘惠福深勤人願滿蓮花



授記應上聖之降生貝葉開圖握大雄之寶命司戶  
參軍孫履直伏承臣奏所部萬年縣新出慶山醴泉  
乃有天竺真僧於春首獻狀若以梵音所記此是祇  
闍山恒河沙法佛必經林下虛空衆聖堂處巖間隱  
見外方湧秀中土岑泉可識體類宛然感應十號之  
尊示見千輪之主此實天威無礙地寶有歸化焜耀  
於裁成理窈冥於言說但瞻三山丹壁奄靈鷲而飛  
乘三泉綠池逐神龍而吐沃峯高八百協周室之隆  
基地得萬年祁皇靈之資始儒書分載望偈希聞加  
以堅固開林吉祥被草重花瑞杏藻岫紅源九賴嘉

禾莠巒黛壑原臨白鹿識鹿苑之仙遊路邇朱城悟  
王城之鍾聽方俟迴輿雪嶺馱香積於群臣沉璧天  
池蔭靈枝於下國吹法螺而朝玉帛乘瑞泉而會天  
人溢宇流觀殊隣浹慶臣守符京郡奉神嶽於郊畿  
係葉皇柯仰慈雲於油露喜抃之極倍石恒誠

### 羊乳麀

臣聞靈感無方每先時以見象神鑑不昧必憑物以  
示人有德著而休歸或祥來而事應伏惟皇帝陛下  
端冕馭天舞干柔遠南越瑞貢久通澤而歸仁西域  
奇山近隨方而應聖臣今日得所部萬年縣令鄭固



忠狀送新出慶山下殺牝羊乳饗慶一頭狎擾因依  
動息隨戀如後所產若素同群理有可嘉事無前例  
竊以育類相育外方慕化之徵野畜自馴荒服來王  
之兆必有遠夷解辭歡心百獸之庭獷俗懷音稽顙  
三乘之會臣言可驗翹足是期昔馬或生羊易占得  
人安之體大時養彘天鏡顯代康之文授此比蹤實  
為同貫况復晨飲醴浦夕下靈山翳仙杏之奇花捨  
嘉禾之餘穗羊禎甚玉饗慶如銀晦朔未移祥符累  
集福應之盛前古未聞臣忝都京尹屢薦嘉瑞抃躍  
之至兼倍恒流奉表隨進

臣某言臣聞天聽自人神和在德代非乏瑞罕遇交

泰之期福不虛徵必俟休明之主伏惟皇帝陛下仁  
覆萬靈孝理四海功固高於尊祖道莫大於配天嚴  
備郊禋崇肅宗祀扶百王之禮兼六代之樂化溢膠  
庠訓優更老政每光於帝籍後不奪於農時嘉氣橫  
浮祥風紛洒騰文煇色九光連合於貞明逸輦殊輪  
百寶駢滋於動植臣今日奉進止告望鳳臺山泉  
之瑞其日於東山栢城內得嘉禾一本臣初見衆苗  
巨隴香穎垂秋嘉翫繁滋欲觀桴粒左右無識折以



呈臣異其綠葉緩舒葱芒壁秀熟視竒狀乃知嘉祥  
下則異畝合塋上又同延雙穗昔雍熙之代理政之  
君雖導出應時而生不擇地未有託根神域彰孝德  
之能深吐秀壽官助榮盛之豐繁此蓋睿誠通感天  
祐降祥中古以來未覩斯美臣籍慶宗枝夕沐星潢  
之潤躬持瑞穎預奉天保之符抃悅之誠倍無恒品  
為清邊道大摠管建安王奏失利  
臣某言今日某往峽石山稱前軍王孝傑等以某日  
失利於峽石山忽聞殞絕心摧魄死上孤天威下慙  
士卒死罪死罪頓首頓首臣以驚怯謬職戎麾銜戴

恩榮統率將士驅關隴之馬引淮海之餉旗幕亘於  
邊城弓甲傾於內府不堪任使撓失節度群帥無決  
勝之功偏師有挫劔之咎長犬羊之孔熾縱梟鏡之  
未滅慣結靈祗怨毒骨髓臣實其罪罪非他人忍耻  
苟全遠愧胡顏之責引慝遄死內負猶鬪之心跋踏  
無顏進退靡處臣既不建師律有干常憲合即嚴科  
以塞其重責然以見在兵馬交要部絕未敢束手軍  
事委置旌節稽緩刑書伏深兢戰特乞更召嚴猛代  
臣統師請歸罪司寇以正國刑囚伏邊陲唯待斧鉞  
為建安王謝賜衣及藥



臣某言伏奉月日恩賜臣衣及藥渥流瓊極彩溢旌  
門拜捧戴舞載欣載越臣受律虧方扞城無寄偏師  
不振逋寇仍滋進慙計日之剋退任喻時之咎誠合  
歸罪司寇以厭深責豈圖天寵猥臨宸慈寬假當從  
褫服轉承且吉之衣宜肆典刑翻加有喜之藥敗車  
夷馬復振鷺和窮炭枯莖重敷榮觸影雖邊塞心馳  
域闕微命易投生成難謝無任感戴

為建安王讓羽林衛大將軍兼檢校司賓卿  
臣某言伏承月日勅書除臣右羽林衛大將軍兼司  
賓卿朝榮對及恩露洪垂罄仰驚抃環揆慙失臣某

頓首頓首臣席慶皇枝辱司天衛素官成責久盈人  
口頃屬山戎自擅王師震加謬當推轂之禮竟空汗  
馬之勳實賴睿誠幽贊靈兵潛討滅大羊於遼海卷  
旌麾於燕薊臣得歸功化關待罪東蕃沫沫休賦生  
死榮幸安敢賈塞而告勞貪天功以為已又况羽林  
清禁土則星辰主客命卿下法河海蓋文武具美方  
議望僉歸豈臣弊劣所堪尺黍依乞特迴瞻鑒更擇  
能賢俾朝興薪舊之歌臣免伐檀之刺非敢飾讓實  
披誠請無任悚戴之至

臣某言為薛稷讓官表



臣復言伏奉制書除臣工部尚書寵靈俯逮營魄震  
飛揣分何借戴息無力臣其中謝臣才乏濟川功微  
橫草故以業承薪構澤潤葭草效雕蟲之薄技象金  
蟄之榮飾徒參進對愧無好詞頃以冗職東垣暫著  
清曠今若統司南省將招素飡五翟之正典事斯重  
亦宮之長求人未易以臣叨授實謂非宜願寢前息  
致命他士無任悚懼之至謹詣朝堂奉表陳讓以聞  
臣所讓入別狀封進資靈共督信誠人半必登職本  
白頁書為郭振讓官願蒙以結書對通之許實也  
臣某言臣本書生幸事先帝歷踐清職遂參機密宗

武樹黨忿疾正人猜忌眉睫構結瘡痍臣與一二貞  
士指天誓心支梧群邪捍城王室曉入官省暮不望  
歸艱危備常幾不免禍日覲一日以逢開泰臣之宿  
圖今已足矣陛下寶位既復元良又定凶讎咸剪百  
度惟新正宜博採屠釣大變風俗豈臣微才空忝重  
任外不厭於衆望內實猥於多言但父年老先嬰風  
疾五月以來不離枕席臣方寸已亂短效無施夙夜  
在公扶持有關乞免官秩歸侍私庭罄父仰恩期於  
孝治無任懇迫之至臣去官郊始歸封制音聞自  
曾普潤為僧普潤辭公封人普潤以樂木大受已



僧普潤言伏奉甲寅制書以普潤加榮沐秩授邑封公聖恩無涯將變枯朽佛法有教誠願住持普潤自剃落壞衣五十餘載心不見是口不言俗因誠證業憑禪悟理幸逢皇祚特啓大運有歸皇太子逼畏凶讐未懷興復憂虞之際始蒙顧問貧道起廣救之悲決必成之策奉符命之旨贊無畏之心今得衆生又安群魔消伏在於法侶所願為多視身本無何功受祿天位有得陛下享之天討有罪太子行之豈貪天之功以為己力賣佛之法而求身利必若冒榮背律返俗違貞亦恐乖陛下崇信之誠失如來付囑之義

凡所稱述諸佛證明伏惟聖慈亦垂聞領乞傳恩授以幸法門無護戒傳道之至

張說之文集卷第二十四



張說文集卷第二十五  
齊黃門侍郎盧思道碑  
楊君神道碑  
元公碑  
蕭公神道碑  
馮公神道碑

張說之文集卷第二十五

碑銘

盧思道碑

楊君神道碑

元公碑

齊黃門侍郎盧思道碑

有齊黃門侍郎范陽盧公諱思道字子行涿人也其  
先姜姓世祚東海別為盧氏家于北燕自漢世中郎  
將植至侍中陽烏徵君之子稟天靈傑承家令執清  
明虛受磊落標奇言不詭隨行不苟合遊必英俊門



無塵雜至於求已勵學探道觀與思若泉涌文若春華精微入虛無變化合飛動斯固非學徒竭才仰鑽之所逮也事齊歷散騎侍郎以文翰直中書中廢復進至給事黃門侍郎待詔文林館武平末天子摠兵禦寇太子監國于晉陽公留綜宮朝燕典樞密及皇輿敗績於外而百寮蕩析於內公節義獨存侍從趣鄴告至行賞授儀同三司入周除御正上士定者歸郡郡人祖英伯作難公脅在其旅幽都既平玉石將燎賴元帥于文公舉以舊有令聞引謁因命草露板就駭其麗異敏釋於齊斧之下揖子群士之上除

掌教上士隋高祖為丞相也遷武陽太守以母老乞解職優詔許之後復徵為散騎侍郎奏內史侍郎事隋開皇六年春秋五十有二終於長安及葬故里凡更臣三代易官十七再降一免二去職八平除擢遷者四而已公處屯安真賦詩頽飲視得失茂如也臨難無懼在黜無愠危不去主仕不違親休明有禮賓之盛顛覆無淪胥之禍其大雅者歟夫禮儀損益公能言之故與熊安生詳定齊禮三墳五典公能讀之故與薛道衡侍學儲后公國華人望光照鄰邦故所居之朝應對賓客脩詞抗議允執其中故青瑣黃纁



異代咸掌大名之下豈誣也哉昔仲尼之後世載文學魯有游夏楚有屈宋漢興有賈馬王揚後漢有班張崔蔡魏有曹王徐陳應劉晉有潘陸張左孫郭宋齊有顏謝江鮑何劉沈謝徐庾而北齊有溫刑盧薛王皆應世翰林之秀者也吟詠情性紀述事業潤色王道發揮聖門天下之人謂之文伯於戲國有校家有塾祿位以勸風雅猶存然千數百年群心相讓竟稱者若斯之鮮矣才難不其然乎然則飛黃虛騁百轡遺路鷦鷯天運萬翼無階文士擅名當時垂聲後代亦云才力之絕衆故爾開皇以來百三十餘載天

贊唐德生此多士公之玄孫曰藏用濟美文館重祿黃門永惟衣冠子孫邑里多改先入封樹歲代將平迺假詞菲才刊石表隧庶乎涉齊地者不薪柳惠之隴過刑山者無惑子產之墓至矣乎盧氏之子其用心也遠矣銘曰

或或黃門	實天生德	才蓋一世	榮聞四國
文王既沒	文在人引	公為宗匠	當朝與能
龍躍春霽	鳳鳴朝升	或頌或變	或雅或承
理以神合	聲以妙徵	高視睢渙	與君代興
人之云亡	十有一紀	斯文未喪	施于孫子



新作豐碑 德音不已

贈吏部尚書蕭公神道碑

仁以度心施物義以由道利貞孝以養志安親慈以教忠有後舉四行之尤善成百弋之餘慶蓋得之於蕭府君矣公諱灌字玄茂蘭陵人帝高辛之苗裔也玄鳥授命教敷五德白雲入房網開三面微子封宋樂叔居蕭氏族之始也相國下奉大夫師漢門閥之宗也大齊以肅竹膺期踐皇帝之位大梁以木刃興運張天地之圖傳寶祚於一家易鴻名於兩漢青蓋入洛重南國之衣冠白馬朝周盛西雍之賓客公即

梁宣皇帝之玄孫明皇帝之曾孫大父南海王珣入隋封梁國公慕德乾坤承靈睿哲舊邦雖改見周鼎之時輕新社仍封知晉封之必大考鈞中書舍人率更令引文館集賢兩館學士學窮祕頤文標宗匠廣博幽深契神無迹溫良恭儉與道為徒是謂啓迪後昆而焜耀前烈者也公揔山河之粹氣注日月之末光心根孝友器包禮樂動躡思後故口無擇言照在機前故身無擇行加以啓蓬山之塞路入藏室之玄關四科得游夏之門六藝取鍾王之雋年十八明經高第補代王功曹王昇儲改通事舍人又換內直監



曳裾西莞擅文士之揚束帶東朝首正人之列外艱  
去職王戎死孝時論憂之閔子免喪哀心未盡乃不  
就祥縞不撤几筵者久之或曰懷其實面其國行其  
忘約其親可乎哉公曰吾過矣不得已而外除不擇  
官而祿仕拜國子監丞以婚姻之故出為甘州司馬  
徙集嵐二州司馬轉渝州長史其從政也反身以惠  
下推誠以敬上老吾老以施教幼吾幼以子人執其  
心也河徃不濟故歷佐之邦必僻陋知方戎蠻變俗  
狼戾馴軌貪穢寡欲迎新者望風而歌來暮送故者  
計日而戀不足詩云做人君子正是國人能長人之

謂也太夫人在堂有羸老之疾公因使人計得扶持  
還京下巫峽之波上當陽之坂展轉在側殷憂歷時  
席不安枕衣不解帶及板輿長稅遂扶杖不起子春  
視疾加損徒勤右建執喪哀自稅絕求淳元年八月  
寓居穰縣終於苦蓋春秋五十有七先君之服也三  
年有終公過時不釋聖善之喪也五十不毀公戀親  
滅性君子曰禮也夫可謂至矣夫人京兆常氏祖雲  
起兵部尚書父師實秦州都督公卿念族蘭杜齊芬  
鳳凰飛鳴始正家道珠玉秀色終高母儀年五十有  
四長壽元年十月逝於京師布政里粵以二年二月



辛卯合塋於少陵原之先塋禮也其孤嵩克戴聖君  
以宰天下大福再成於身後湛恩廣運於泉路開元  
十七年仲冬癸丑詔曰中書令嵩父某乙毓粹冲和  
降靈神象言入精微之粵迹登聖賢之軌位不充量  
道足庇人松檟雖幽音徽不昧宜承追遠之慶俾崇  
冢宰之榮可贈吏部尚書同日詔曰嵩母常氏傳一  
經行包四德才淑冠乎邦族言範光乎母節誕茲寶  
臣作予良弼封其石窀俾承土宇之榮表以金章永  
閱珩璜之飾贈魏郡夫人於是建宗廟修禮物榮君  
後命告我前人遠哉心乎一恩一敬之感會也如是

垂裕立訓克家揚名遺愛至矣慎終備矣東武公之  
子孫共連塋闕南城侯之夫人同刻碑銘詞曰  
維蕭係宗出宋之子天命齊歷河圖梁紀累帝重王  
雍容文史是生邦俊世濟其美仁義孝茲中和庸祇  
文章鳴鳳禮樂元龜碣館牧馬儲閔潘賈人望國華  
風流儒雅歷佐列郡政成休問行立時法言垂後訓  
沒而益榮追位冢卿哀感有情事傳無聲墓門松平  
碑字金生不知千古誰遊九原

贈戶部尚書河東公楊君神道碑

若夫孝在揚名志歸令德事因感激氣槩生焉時逢



屯難勲業成焉桃李灼灼不自言於蹊逕松栢青青  
不受令於霜雪窮獨善而無撓達兼善而無矜子曰  
君子哉若人吾斯河東公之謂也公諱執一字某弘  
農華陰人也司空觀王維之曾孫鄆州弘農公續之  
孫潞州湖城公思止之子戶部尚書相國執柔之弟  
觀公侍中恭仁公之伯父也安德公尚書令師道公  
之叔父也在隋則二代五公在唐則一門三相公台  
輔積慶稟清明之識河岳會靈資磊落之氣體剛毅  
深於城府蘊規畧長於襟帶戲為軍陣敵國之勢幼  
成請學兵書長城之望早集年甫十六先君捐館七

日絕飲三年泣血縞素有制儒家歎其從禮柴棘加  
等議者憂其死孝清明祖德勢冒能貧大夫人  
在堂有致力之養非躬藝黍稷不以供甘旨非手  
樹桑麻不以薦絺纊年逾一紀勤不知勞極既安  
親之心方展事君之節乃濯纓璜渚獻策金門于  
當代之聖君論蔑下之成敗秦皇覽奏屏左右而  
與謀漢帝聞言膝前席而不覺一見拔王鈐倉胥  
再見取尚食直長三見寘典設郎驟進直詞深觸  
權嬖為易之兄弟所嫉授伊川府果毅又上封章  
帝用嘉納加游擊將軍右衛郎將歷清率道換右  
衛中郎押千騎使摠統貌



武便繁肘腋故得協心五朝戮勦二豎奮飛北落推  
戴中宗嗣唐配天不失舊物以臣復勲拜雲麾將軍  
右鷹揚將軍封弘農縣公賞未充庸且有後命增冠  
軍大將軍右威衛將軍進河東郡公邑二千戶賦四  
百室俾之鉄券恕其十死又錫天馬瑞錦珠盤瑤爵  
綵紋五百縑素三千分三土之上腴處五等之高列  
琯戈紫綬環衛於鈎陳玉璫流黃侍祠於清廟豈知  
豐結梁魯政出豔哲里克納惠而為戮莫救成周而  
見咎彼五續之摧頽此三出之屯躋出為常州刺史  
以夫人羸老乞避卑濕特降中旨轉收晉州駙馬鄒

尉琅琊王同皎親賢地切休戚圖深劉安之策未遂  
鍾室之災先及吏扇紛獄公陷關通貶徙沁州刺史  
不知事仍長任夜魂九逝非北首而無歸晝戶重為  
異南冠而司繫果能推分榮辱忘懷生死人不堪其  
憂公不改其操久之盡削官封故懷侍母梁山雨雪  
不隔曹氏之思王畿風景來就蕃園之養尋而大勲  
不廢天道復反歸既奪之井邑起故時之將軍擢衛  
尉卿尉復初封爵巖巖劍山蜀之險要嗷嗷飛鴈人  
未安居飢渴仁明輯綏凋弊又授公劍州刺史蔚彼  
黍苗樂我膏澤內憂遠計殞絕逾時於是搏膺星奔



徒跣末路兩不接夜身不解纒回心過禮朝流欽歎  
有命奪情除汾州刺史知團結兵馬哀訴不允金革  
無違中國簡稽而有備單于遁逃而遠迹詔徵為涼  
州都督兼左衛將軍河西諸軍節度督察伯姓赤水  
軍等大使公富以農政和以師律章信蕃部赫怒軍  
容斷匈奴之臂磧路安而不警張漢家之掖雪山開  
而無寇遂攝御史中丞爾書勞倅辱賞稠疊又牧原  
州未發復授涼州都督改右衛將軍使悉如故尋移  
許州刺史未到以單于欵關授右衛將軍檢校勝州  
都督兼處置降戶使懷柔以德種落宜之徵還本官

又兼原州都督旋屬降戶翻叛河朔倣擾邊城聳威  
諸將無功強脩連率夏州按察閏內羽書日夜俾遷  
郡牧公按甲待敵確乎不動虜騎威畏竟無來掠向  
使迴避行於一少則穰竊啓於萬端十將五耗數年  
未復既而強公追捷朝端延賞徵拜右威衛大將軍  
進檢校右金吾大將軍尋而即真禁衛肅然異於他  
日也皇上哀庶戮之不辜念群胡之自廢大軍之後  
荆棘生焉乃命公攝御史大夫為朔方元帥公剛腸  
疾惡擒姦摘罪曩將之所彌縫宿吏之所汙沒匿賊  
散廩一徵百萬矯枉過正衆口訾然改右衛大將軍



無何復右金吾大將軍金刀更新龍鞬仍舊巖廊益峻微道增清改金紫光祿大夫鄜州刺史人寬利急猶前政也享年六十又有五開元十四年正月二日薨于官舍闔境發喪列城望祭古之遺愛何以加焉天子傷之下詔曰故官某夙負名義早著勲庸居內外之職備文武之任忠勤匪懈誠節無渝忽焉徂歿情深悲悼可贈戶部尚書歸賜成喪有加卹數維公以孝敷聞以忠特達以幹述職以能典兵凡領郡十四將軍十二再杖節鉞三執金吾一至九鄉二兼獨坐儼有直道侃無媚辭銀艾復乎舊德珪爵傳乎祚

胤全志節於夷險與祿而始終謚曰忠公朝之令與新城郡夫人獨孤氏左威衛大將軍贈益州大都督卿雲之女也婦德母儀中外師範開元四載先公即窆以今十五年六月合葬於咸陽之洪濟川禮也其孤濯注等銜恤靡訴託詞疇識感稱代之垂文哀劬勞之罔極銘曰

堂堂楊公 神密氣雄 正國危忠 苦身難孝

落彼狡童 樹以帝功 昔關稱西 今也河東

觀王之裔 珠華玉麗 重葉尚主 三朝嬪帝

鞞鞞七德 侁侁六藝 公之允宗 美為世濟



涼鎮西隅 邦臨北胡 天子授鉞 將軍剖符

青蛇入笥 白獸銜珠 去持玉節 來執金吾

轉予瓜士 守于廊時 明察號神 仁恩名子

武都石折 文昌星死 素蓋歸飛 黃泉已矣

卜葬卷阿 哀榮孔多 尚書鼓吹 太守虞歌

碑流雨迹 松引風過 獨封茅土 長誓山河

故括州刺史贈工部尚書馮公神道碑

金之為寶百鍊而惟清玉之稱德又幽而不昧聖人  
美焉君子比焉可樂也不可奪其剛可毀也不可汚  
其潔偉哉馮公秉斯操矣公諱昭奏字遇聖長樂人

也說學於古史豈不聞舅氏之歿初乎畢公建德于  
周畢萬大名於魏別封之裔遂氏馮城秦則丞相並  
時漢則將軍重世積仁纏慶王者鬱興間晉南浮因  
燕北號家變成國為天下雄動業競五伯之先子孫  
齊二王之後公即昭成皇帝之十世孫也高祖大將  
軍隨州刺史長山公謙以寇恂之才翊戴周武曾祖  
兵部尚書左僕射魏國公世基以曹參之力經濟隋  
文大父尚書左丞檢校御史大夫少府監揚州長史  
安昌公長命以佳吏之名勤勞王室考仁高亮無祿  
子道不究故公勞而襲安昌公焉清明澈澈標格峻



豎夏翟耿介無矯飾於常絃寒松青冥不受令於霜  
雪專經覩與習法精理起家左奉禧改讓賢府果毅  
換文州司馬為酷吏所陷罷官久之調榮州長史屬  
城慢文法按而繩之入計會府讐家橫訟明勅杖其  
愬者遷公家州司馬朝廷翕然知有王法復假右臺  
侍御史江南道憲察使類會高等加朝散大夫進潞  
州長史堆岸受瀦孤醒見嫉轉湖州長史公束濕不  
回聚蚊交訟貶為饒州司馬未行降使詳覆拜鄂州  
刺史制曰公志氣剛勁操履貞潔歷佐藩條咸有聲  
精詰姦亂諍不避強禦苦節清威若凌霜雪傾因詭

毀遂有貶降使者案問皎然明白俾從優獎特加寵  
命其在江夏異政風行入為太子家令兼知內外鑄  
錢事國泉是殷盜鎔乃絕河朔滯雨帝思作又俾公  
檢校刑州刺史散有賙賙無人忘歉歲帝乃璽書勞  
焉其旨曰卿忠於事君簡以臨下忘私徇公之美歌  
謠所載擒姦擿伏之奇吏人攸仰雖陳朔之貶黜邪  
匿王業之斤除貪殘無以加也一郡清淨副朕意焉  
其後以戚累移睦州刺史復為群小所譖在授泉州  
司馬未之任又貶帶州司馬砥節荒服天高聽卑除  
温州長史俄復舊階拜括州刺史水國瀝洳苦疾言



歸景龍三年六月十三日終於蘇州之逆旅春秋六十有五正人嘆息舊後傷感公清白傳家信義高世門有奇士室無文物夫其善於鈞距長於衿帶法嚴令俊人寬吏急當官而不避譏慝之口除惡務本而不求愷悌之譽出入從宦十有六職以謗獲貶者五洗謗特遷者四不曰忠乎將無悔於九死不曰直乎焉往而不三黜故人謝而名益著迹遠而風可懷也皇上志其持法無撓贈大理卿本其坐樹無言謚之曰節窳窳之事一以官供哀榮之禮被於存歿是時天子嚴謁山陵訓人追孝推恩庶辟馮澤幽泉公長

子少府監紹正次子給事中紹烈並構會堂仰延榮贈乃贈公工部尚書君子曰孝必錫類忠則不墜臧孫達其有後乎鄭公業為不亡矣夫人瑯琊君左相刑公及善之女垂拱二年三十六而天後夫人彭氏城君鴻臚卿善因之孫景三年五十有五而逝所謂齊姜昭前邦媛輝後碧樹先落悲同孫楚之妻紅蘭漸苞貴在馮勤之母以開元十八年十月壬寅葬我節公於長安縣高陽源夫人王氏劉氏祔焉禮也長子紹正少府監第四子紹忠未仕第五子紹烈御史中丞孝孚二連之心思崇三絕之美魏主來顧賞



幼婦之碑秦師不侵尊死士之壠揚名稱代道遠乎  
哉銘曰

古之志士 忠不為難 悼哉馮公 矯此雲翰  
囂囂群小 彼何足算 屢困終直 天下改觀  
輕用百年 窮達相半 貽慶二子 雙承天渙  
嚴嚴大理 人命是懸 聖朝表贈 王道無偏  
六卿冬官 百工悠序 韓裱雖歿 龍泉可許  
丘陵鼓舞兮 桑改壑遷 歲月崩波兮  
有去不還 唯德音與頌兮 傳不朽於人間  
故吏部侍郎元公碑銘 崔湜撰序

良玉吐曜非媚荆人之斲幽蘭懷芳豈珍楚客之奏  
若夫克抱厥德不揭其明四海順風以弘道萬葉渴  
日而致用見於元公矣公諱字河南洛陽人也蓋額  
頊之裔十三代祖魏昭成帝勲格皇天惠享庶物駿  
啓靈命大昌于後故我曾大父公隋尚書左丞弘尊  
賢愛人開物成務我大父隋南郡司法恭禮樂是蹈  
詩書是好我皇考黃州刺史孝節政以仁成名以德  
舉並代集禮以洎千公公含真蘊靈紉有成量承顏  
善對實譚實訐母代鞠育備于典訓三歲便善草隸  
書客有聞而謬之者公援毫立就動有措則故當時



目曰神童焉七歲屬文邈有高致十四通五經大旨  
百家之言先儒未諭一覽冰釋四方儒墨之士由是  
嚮風矣雅合冲膜脫落人事鼎鍾黼黻罔滑其志妙  
於鼓琴尤工幽居綠水之操常祇傲縱恣不求聞達  
况通理以其聲華太高論其從仕不得已舉進士授  
相州內黃主簿臨以簡人用宜之黃州府君薨浹旬  
不怠晷而不懈至性之酷異類同傷於足胥命纍棘  
至勉負畚耜掙躬自成墳故族稱元氏之孝服闋調  
補校書郎轉右金吾兵曹萬年主簿公之始至萬年  
也河洛肇基於天邑嶠岵分守於懿親卽國公收望

地在維翰寄深鎮撫以公文守吏之美僉為則官凡  
有踐踐皆自公出朝廷嘉焉徵拜司禮博士則天大  
聖皇后萬機之餘屬想經籍思欲撮群書之要成一  
家之美廣集文儒以筆以削日為三教珠英蓋一千  
二百卷公首膺嘉命議者榮之書成克獻帝旨遷太  
子文學主客考功二員外賞勤也皇帝續膺大業擢  
中書舍人是時天地初復中外多務章奏交馳文誥  
疊委公操斧則伐懸衡不欺至於獻納多所施用然  
而不樂處煩屢乞外補上優而不許轉太常少卿無  
何吏部缺公雖虬蟠不奮欲固其節而鶴鳴有聞終



迫其用乃拜吏部侍郎實能考才地以諗所立振幽  
滯以器所用簡而能通清而不介輪桶畢舉衆論休  
之天錫不允清羸遭疾春秋四十有六景龍三年某  
月歸塋于某禮也懿交暱友平生詞賦之客聚泣而  
評曰公事寡嫂撫孤姪以義聞居閨門接昆弟以禮  
著黃州之酷昭其行也卽國之徵表其才也奉常之  
舉見其高也吏部之僉彰其用也况乎體道之要心  
無疵瑕包身之防口絕臧否非夫全德具美自天離  
祥曷能臻此君子患道之不立不患壽之不永公道  
行矣奚其多傷而已哉有集三十卷行於世嗣寄童

亂之子嬰兒之暴夫人李氏故亳州刺史某之女今  
王客卽中顛之後父妹也華首喪天惟堂哭書藐視  
呱夜哀感草木記詞於我故人庶以紀百代之盛予  
與公一遇相得二紀同遊聯光粉闥接袂華禁容範  
之好死猶存日宴譖之言未忘於耳追慨曠曩接毫  
涕集公執交兵部侍郎南陽張說吏部侍郎范陽盧  
戡用當代英秀文華冠時而盧兼有臨池之妙故張  
述銘盧篆石天下稱是碑有二美焉詞曰

英英白雲 瑞彼君輅 佻佻公子 嘉我王度  
魏后遺德 作華天朝 雲氣應變 直心遙遙



麟閣書仙 鳳池墨妙 太常國禮 少宰邦教  
公之慶之 有倫有要 玉折其貞 金斷其清  
歿而不朽 仁乎令名

張說之文集卷第二十五



張說之文集卷第二十五

張說之文集卷第二十五

張說之文集卷第二十五

張說之文集卷第二十五



